

魏叔子文集外篇

劉叔子文集外篇論目

第二卷

周論

魯論

鄭論

晉楚論

秦論

吳越論

鬻拳論

樂盈論

子展論

崔成崔彊論

城濮論

穀論一

穀論二

郊論

國朝文獻
卷之二
牽論

鄢陵論

平陰論

汾陵論

兵謀

兵法

魏叔子文集外篇卷之二

論

寧都魏禧冰叔著 諸子世傑與士編次

春秋列國論

余作春秋列國論十餘篇錄其可僅存者六

篇

○○周

春秋之世文武之典禮未熄滅於天下故辭命爲足

恃而莫著於鄭與周鄭以辭命凡云通篇以鄭經曰周主實自全其國周之君臣

天指合之則惟致可指執典禮以折服天下之強侯者則且代有其人嗚呼

此周之僅存而不亡者也然卒以此弱而不振今夫

衣冠揖讓所以衛身人之有羸毀之疾者則必思劑

藥物適飲食以調治之釋此不爲而獨特衣冠揖讓

豈有濟哉周之弱于天下也久矣晉文公不敢請隧

楚子不敢問鼎卻至不敢爭鄧田此皆可大有爲以

與天下更始之機也更爲指點出何處機括漢論方脫要存此際當此之時使內明政刑外強主

威則天下強侯可以折箠而使而顧若鄭之所爲何

爲乎鄭小國偏于強大故僅恃此自全然罕虎公孫

僑之徒尤孜孜焉曰求所以內治其國周爲天下共
主其自強甚易而君臣之號爲賢能者則皆以空言
守其虛禮爲之既效上下相沿遂以爲制天下之術
在是也嗚呼周言典禮而卒於不振後世以清談治
國而欲其不亡也得乎哉

聖人孔之達日周以恃典禮不振論似奇創
然如惠襄臣如王孫滿單襄公之屬于典
禮辭命外並未見其有所作爲卽如富辰諫
伐鄭亦只能稱述親親之英其所以處鄭者

毫末之及細繹內外傳乃知此論實正而確也文字尤澹蕩波折

彭躬庵曰周引典禮支延歲月叔子却就辭令上指點出自強機括開發積弱人無數精神志氣煞有深意然須知古今來文者必弱强者不文夏商之少康武丁越之句踐絕無書本氣習南宋禮樂詩書雍容坐論不到匡門舟中授大學不止也哀哉

○ 魯

魯之所以自全者蓋在于固事大國忍辱含垢而不
妄發夫魯之治近於周周守典禮以持天下而魯少
被侵伐則亦以爲秉周禮之故非也昔者晉取汶陽
之田而魯不叛成公朝晉晉人不敬欲事楚而季文
子不可晉會於向二卿並行孟獻子請稽首若衛孔
達之伐晉唐蔡之叛楚者終魯之世未有也秉周禮
之說始於仲孫湫覲魯之一言當時魯所以存者亦
幸耳而後世遂以爲然嗚呼主昏臣悍弑逆僭亂之

事○史○不○絕○書○誰○謂○周○禮○之○第○云○要○言○不○煩○虛○文○而○可○以○捍○強○大○耶○○捍○強○大○耶○之○役○季○氏○勞○叔○孫○旦○及○日○中○不○出○曾○天○曰○魯○以○相○忍○○事○作○証○爲○國○是○則○魯○之○自○全○者○也○夫○能○弭○其○外○而○不○知○彊○其○○適○照○周○論○生○情○內○此○魯○所○以○終○弱○亦○同○于○周○與○

門人涂大諷曰據實平論不起局勢就中平

波疊瀾使人流連

彭躬庵曰魯忍宋和被養身湯藥毒殺

○鄭

○曾○云○楚○起○有○風○雨○之○勢○
孔子曰始作俑者其無後乎是以首禍之人不死亡
則亂且病不於其身則於其子孫吾于是而知鄭之
所以受兵與春秋相終始國瀕于亡而終莫之振也
或曰鄭處南北之交左晉右楚故盟長中國者必爭
焉亦其地使然也是不然宋衛與鄭並列中原其介
晉楚而國者不可勝數而何以鄭獨受兵乎蓋鄭自
武公以奸淫取鄩而莊公首與周室爲仇敵至射桓
王中其肩當時天下諸侯之不臣未有甚于鄭者卻

至韓厥再獲鄭伯而不敢執曰傷國君有刑况天下
即以鄭作証刻入如老史斷發
之共主乎宜其子孫之速禍也當莊厲之世齊晉未
興楚師未交于中國也其與兵構怨恃威力以侵陵
小國者莫鄭爲甚夫以兵始者則必以兵終語曰天
道好還人亦慎無爲首禍也哉

門人曾宗播曰名言可監

門人涂尚峻曰無王好兵是二意却不劃然
分兩段格意最古

○○○晉楚

晉楚狎主中國。汝上北林諸役。晉之辟楚者。蓋數數焉。楚非能有加于晉也。晉楚皆恃其詐力。而晉猶彬彬然以禮義持其外。楚則濟以凶悖。惟利所在。悍然輕犯大難。而不復顧。此楚所以嘗彊也。然諸侯服從晉久而不叛者。亦在于是。韓趙魏三分其國。足以抗楚。而楚顧能加于晉哉。自陳勝吳廣之徒起而亡秦。黃云以下舉抽楚別發議其後天下之亂。國家敗亡之由。大半皆起于楚。然卒亦鮮能收之者。昔晉楚相遇于繞角。析公曰。楚師輕。

窮易震蕩也。楚人剽悍，敢于有爲，固其天性。善用楚者，慎其所發而謀其所收，亦庶乎其可矣。

彭躬庵曰：借楚說法，可運用古今數千年局勢於掌指。

門人黃光會曰：嚴悍而曲折如三峽之水，激流于險，不覺叢之間而具有江河千里之勢。

○○○秦

秦并天下在范雎遠交近攻之一言然其先世所以富彊坐大西陲者則在近攻而遠者不交何則秦地介僻遠與戎狄爲伍不與中國朝聘會盟之事中國以此輕之而不知秦人之謀其所以得志者正在於此秦自穆公敗殽以來初未嘗勞師于遠春秋紀秦所夷滅梁滑而已乃李斯所稱并國二十遂霸西戎者果何在也然則秦之近攻亦可知矣其後惠王不攻西周三川而伐巴蜀至北收上郡南取漢中猶用

此策然使秦當日者求好于中國比年而數盟一歲而數聘牽引宋鄭爭長晉楚則將竭其財力勞其心以奔走於道路之間而日不暇給又何暇畢力于耕戰之務坐致富彊卒兼天下也哉吾故曰秦所以得志在近攻而遠者不交也春秋列國惟齊晉秦楚最彊大然秦滅國者二齊滅國五晉滅國十有二楚滅國二十有一秦之惡不如楚而人稱虎狼之國則不在楚而在秦何者楚縣陳而復破鄭而不貪若是者自穆公以來所未嘗有虎狼得獸而生之世固無有

是也。秦人之得志莫有過于此者。秦建國六世始大
十二世而彊。二十一世而并天下。不二世而國亡。宗
滅焉。嗚呼。吾未見其得也。

一。何。另。結。直。歷。全。篇。之。重。

李咸齋曰。付吳傳十九世。至王壽夢始通中
國。不數傳而夫差與晉爭長。國因以亡。觀此
益知此論之精確。

彭躬庵曰。文卽有秦氣。其朴悍堅剛處。豎儒
作三千年夢。不能到。

○ 吳越

智小而謀大力輕而任重積之薄而發之驟未有不速其敗亡者也。部婁而生松栢其根必蹶膏將竭而揚其燄其火必滅是以城雀生麟而宋亡徐偃王崛起自雄于周不旋踵走死。古今小國非有聖人之德蓋莫有能暴興者。夫匹夫無故驟獲千金識者以爲災禍之至况僻小在。一旦取人家國暴起于天下顧望其能久得也哉。此吳越之所以速亡者也。

門人孔尚典曰文只一意却疊成六段遂覺

議論疊疊波瀾浩浩忘其爲短篇末只一語
結出本題立格尤高

曾止山曰論旨深長子由古史論爲鹿門所
亟賞諸篇文足頡頏而識議過之

門人涂大詢曰合六篇讀之如屈子九歌離
奇變化章法之妙未宜有兩

○○○鬻拳論

兵諫之義自古忠臣拂士之所亡有宗社危亡之變
在於呼吸不力爭而得之則其後不可救是以古之
大臣敬其君如天之不可犯而其淫暴昏庸足以危
宗廟而覆國家則放之廢之斷然而不疑此其迫於
所不得已雖犯天下之公議而不以爲非其不濟則
殺身而無怨濟則富貴令名偃然受之而不必有所
引罪賊身以自救吾觀楚文非有桀紂昌邑之不肖
而拳所以諫者固未有安危呼吸之不可須臾緩也

其言且斷
上連於勁
臂中生機
鄭所謂老
致紛披者
如此

一步步緊

且夫楚子襲息而取息焉以一婦人滅人之國而不
悔此其逆天悖義足以動天下之兵矣彼息焉者非
常婦人也牀第之間逞其報復之心而無所不至夫
亦事之至危者吾未聞拳於此時以死力爭也其君
被大不義之名朝夕燕臥於危亡不可測之地而拳
不之恤顧區區於敗津之役再行其劫君之術則亦
何所爲者故吾以爲黃之敗非楚之幸而鬻拳之幸
何則使黃人乘楚之敗而楚師至於再辱則拳雖欲
死其何以爲死耶秦敗於殽而穆公悔過晉敗於邲

荀林父修政以自強。其所以洗國恥而卒霸諸侯者。顧未聞其迫而出諸此。彼拳之爲人。剛狠任氣。而果於自遂。是以苟逞其心。而不暇於自擇。雖殺其身。直等之婦寺。小人之愛君而已矣。故兵諫不足責論。其所以兵諫者。以爲人臣法。

丘邦士曰。別提出拳。不諫不必諫。處發精鑒之論。卓然不磨。

林確齋曰。左氏稱爲愛君。後儒譏其不臣。此等道理。古今聚訟。得此而決其議論精確處。

足爲萬世人臣取法

弟和公曰段段直接却一段數轉行筆勁悍
氣勢奇險格法堅緻纖芥不得入

友姪王潔曰從無証有飄空立案如律家比
例蘇氏最得此法然多深文偏見不能如此
的確先生奇文每在恰當處故不可及

○○樂盈論

自古未有得士而不興者。有道之世，賢者連類而升，各奮其智能以自效於上，故養士之權在上而不在下。世之衰也，君臣之間競智力以相勝，天子諸侯疑薄大臣而別樹黨人，其卿大夫莫不厚養死士以備旦夕之急，故養士之權在下而不在上。於是有得士以興，亦有得士以亡者。自春秋晉樂盈以好施多得士，特聞亡逐之餘，猶能因其力以入絳，士樂爲之死，而晉國幾殆。其後流風遺烈，轉相慕效，而孟嘗信陵

四○君○之○徒○益○汎○濫○於○天○下○悲○夫○盈○以○好○施○得○士○自○趣○
死○亡○吾○徒○見○其○害○而○不○見○其○利○也○君○子○立○危○亂○之○世○
務○修○德○以○辟○難○不○務○植○黨○以○自○固○吾○誠○引○釋○權○勢○不○
犯○衆○人○之○忌○則○徒○襁○而○獨○行○于○國○中○無○有○敢○扼○之○者○
若○夫○侈○汰○不○度○而○懼○人○之○謀○已○必○多○其○與○以○備○之○備○
寡○則○勢○孤○而○不○立○備○多○則○恃○勢○而○犯○難○古○今○黨○人○之○
亂○互○相○攻○擊○必○交○燼○而○後○已○樂○盈○不○能○外○平○大○族○之○
怨○內○正○其○閭○門○而○區○區○收○武○力○之○人○爲○腹○心○爪○牙○之○
用○以○爲○足○自○立○而○不○危○其○亦○惑○矣○蓋○嘗○論○之○古○之○能○

成功名於天下者必有智深勇沈之士以左右之招
之。不來麾之不去。吾卽欲結以恩而不能。此其人顧
不可以多得。誠得一二人用之。而吾事畢矣。陳平憂
呂氏之亂。陸賈一言而亂定。季布亡命。魯朱家爲見
滕公布遂免死。今盈內亂幾於亡室。而荀范韓趙之
族合志而怨之。此亦至危難之日矣。吾未聞欒氏之
士有出而謀其危者。及其亡也。求一朱家之智。不可
得。此其士豈不可哀也哉。孟嘗君賴雞鳴狗盜之士
脫秦厄。此固倖而中耳。使其出齊客有抽劍斷鞘而

止之者則其計已無事矣雖然此特賢於樂氏之士者也

丘邦士曰其文流連蕩軼集中別調

涂允協曰以樂盈爲養士之祖自是創論而名言至論大有關係

曾省之曰冰叔少負才氣敢於有爲及歷世既深身經蹉跎乃能近裏見大著論如此世稱東坡海外文字亦當由進德日深故爲文愈高耳

○子展論

鄭子展當國游販奪人妻其夫殺販而以妻行於是
子展廢販子立其弟以爲卿求亡妻者復其所而使
游氏勿怨曰無昭惡也販見殺而非廢其子罪不已
重乎殺販者無罪猶求之使復其所恩不已濫乎且
夫國人而專殺命卿則私仇讎者擬兵以相向不知
其百十也國必大亂嗚呼毒蛇螫指則人斷而去之
癰疽發於背則不敢決去何者懼去之足以害其身
也鄭以小國介在晉楚不虞薦至而簡公幼冲嗣位

卜又見
發客立案

與人處
有者繁

此所謂主少國疑之日也。當此而不能制變亂于未
作。自開內釁。則危亡可翹足而待。今夫亡妻之人力
能殺游販於邑。奪妻以歸。無有能禦之者。是豈淺謀
寡黨區區庸人所能爲哉。急之則作亂於內。以啓鄰
國之兵。不急之而不求復其所。彼必畏罪而不敢居
不西走晉。則南走楚。晉楚愛其能而喜爲鄭。問必寵
秩之。以觀釁於鄭。益以成破鄭之謀。此子展所深憂
而國人不知也。然使游氏怨之。相怨則相備。相備則
相攻。而亂作於內。抑又不可復彌。此其意不可以告

即以晉楚
弟作結大
承妙証

緊峭

也是故善莫大於掩親之惡使之勿怨若爲游氏愛也而後其名順使販子爲卿則父母之仇也楚平王殺伍奢以君戮臣而子胥鞭其屍而破其國是故販子非甚賢則不可立立販之弟然後可以義裁其情而游氏亦可以勿怨噫若子展者殆所謂智深而慮遠者與昔伯州犂奔楚晉軍以國士在懼其知情楚中公巫臣以夏姬故楚人族之於是巫臣爲晉謀主教吳伐楚令尹司馬相繼誅死而楚以不振晉楚且然此子展之所爲慮也

門人會師庠曰議論周內處大有強力若不
可攻

涂宜振曰子展廢良而立大叔曰國卿君之
貳民之主也不可以苟蓋以取有罪而良又
不賢爲國計耳愚謂殺取奪妻其人亦義憤
所激未必真有才能如米叔所料者米叔蓋
大有所見爲後世驅才入敵者計特借此事
發論使杲憂爲晉楚用當必才智過人子展
不殺則用寧區區令復所已耶

友姪任瑞曰：「濫力之人有激之可爲亂用之，未必致治者，則不殺不用而復其所正當如此區置矣。」要之此文與涂評互相發明，益人智力不小。

○○○崔成崔彊論

自古廢長立愛。未有不敗亂者。立長則愛者可以自
安。立愛則長者必怨。而愛或不止於一人。是故其變
如楚成王。趙主父之屬。身被弑。僇之禍。而晉獻齊靈。
身死之後。兄弟戕賊。亦大亂其國。而幾於亡。蓋父母
不可有所偏愛。偏愛以害其正。必其兄弟賢有目矣。
子臧之節。則國家晏然。可以無事。不然。猶幸有賢人
焉。匡救彌縫於其間。則可以轉禍而爲福。苟非然者。
其生平之仇讐。日窺伺其隙。以甘心而圖之。使其兄

云一編
全選於
服此段
以父母爲
主而兄弟
賢人仇讐
此

弟必至於交斃而後已吾嘗讀傳至崔成崔彊而重
有感於兄弟之際矣天下勢孤者易敗力合者難折
從來國家敗亡之禍未有其親戚宗族不離心而人
得以制之者易曰二人同心其利斷金異姓之人苟
相要結可以攻堅而出險况其爲天性之親乎昔者
季武子廢公鉏而立悼子使公鉏爲馬正慍而不出
閔子馬見之曰子患不孝不患無所若能孝敬富倍
季氏可也姦回不軌禍倍下民可也公鉏從之於是
悼子嗣有卿爵而公鉏終身安富保兄弟之愛全其

此一段發
化體瘦伺
妙在切身
引証究竟
毋偏愛兄
弟交爭之
親

父之令名當是時季孫之不能於孟叔久矣使公鉏此字出成彊之計昧勢傷義快其一逞則崔氏之禍見於季孫而孟叔必坐收慶封之利嗚呼彼崔氏滅亡之速則何足怪也且齊莊以戎子之故誅斥公族孤立于上故崔杼得以專制其國其弑之也若弋鳥旌之易成彊親見所以成敗冒然逞其貪心而不知却顧慶封之殺崔氏視崔氏之弑莊公又加易焉蓋崔氏自發而非慶封殺之也雖然處人骨肉之間爲慶封則不可爲閔子馬其可矣

丘邦士曰皆天理人情之言妙在透發於事
勢利害之中盤互通透而變化萬端以至文
爲奇文也

涂宜振曰盧蒲癸曰彼君之讐也天或者將
棄彼矣意崔杼弑君之罪未討生明以啓成
疆之釁而假手慶封以斃之俾亂賊以杼爲
鑒與然則崔氏覆滅與尋常爭立取敗似未
可同年而語第凡有國家者不可不三復斯
篇吐谷渾折箭之喻最爲明切也

李咸齋曰文如巧繡鍼線甚密而不露刺痕
謝君求曰古今善處人骨肉間者如李鄴侯
韓魏公立心忠誠出手圓敏米叔生乎最得
此意文亦專從此處觀入故言之親切有味
如此

春秋戰論序

春秋左傳載兵戰幾數百事余取其大且著者據其
成敗之跡而論次之夫古人之兵務以奇勝然非必
有感忽悠闇不可令後人之知而後之人遑遑辭其
所以成而就其敗然則非知兵之難知而不用之過
也語曰不見未然當觀已往此事後成敗之論後之
人可以觀覽而慎其故焉

○滅漢

古之善制勝者必履天下之險攻天下之難攻而勝其所不可勝蓋不犯其至險則不足享天下之至安不出其至難則不足收天下之至易其勢然也且夫事有先難而後易者亦有先易而後難者吾力足舉其難則易者必靡如陳湯之破郅支而呼韓入朝之類是也力不足以舉其難則姑肆意于其易以豐吾之力而徐爲之圖如司馬錯不攻三川周室而敎秦惠王起兵伐蜀之類是也難易之間要無定勢顧非

吾力之所必不能及則必爲其難者以從事于一勞而長逸之勢昔者楚方強大侵食江漢之諸侯齊桓公欲修方伯之威與師問罪于陞帥八國之車徒徘徊于召陵之間以待其盟而不敢戰至于晉文反國三祀遽與楚師大戰于城濮觀其拘寃春私復曹衛其君臣之所相與謀若唯恐其不得戰而遂已者此少年輕銳僥倖萬一者之所爲耳然文公卒以大勝而霸諸侯今夫天下之險不可以徒犯而艱難重大之事非有百全之謀定計于內而成功于外不可以

輕出文公外結齊秦之大援內有諸謀臣誘敵制勝
之計楚之君臣其謀不協于內而子玉以剛愎之才
僅將六卒蓋勝楚之畧先定于胸中是以橫挑其釁
而輕于一戰宋真宗時契丹大入寇準建親征之策
固請渡河于是契丹怖駭不戰而請盟其後數十年
間卒無邊患此蓋所謂出險犯難以成大功者後之
人觀其飲博歌呼克禦大敵疑若有鬼神天幸之助
然當其渡河準言于帝曰王超領勁兵屯中山以檢
其吭李繼隆石保吉分大陣以扼其左右肘四方征

鎮赴援者日至此取威決勝之時也彼豈無百全之計而以天子爲孤注哉若寇準者蓋自唐宋以來一人而已矣

溫伯芳曰論城濮人所同知論澶淵人所未見直以寇準收絕不回顧尤見力量

謝曲齋曰裕齊作事每先辦一穩字其要緊處便辦一拚字然拚中有穩蓋事勢之交有不穩則不可拚亦有不拚則不能穩者觀其論城濮之戰及范宣子禦樂盈想見一班矣

○穀一

如此立威竟負大不義矣此便開戰國狡毒之風朕鄭武公寄卒鄆君而取其國彼急功利者不顧恩義往往如此晉人之謀想當朕耳合呂相絕秦書擬之論穀事者不妨作此

觀白記

王者之師計義而後動伯者之師計利而後動苟有以自利其國而卒免于後害則違德拂義顧有所不暇論是則伯者之圖也昔者晉與秦有數大惠而無

毫髮之怨。晉無故而敗其師于穀。以先釁于強國。當是時。先軫以不哀吾喪而伐同姓爲秦罪。且夫滅曹。分衛。晉身爲不道矣。而顧秦是責何哉。夫子人者。驕人。受人者。制于人。此以知因人者之必不能免于自禍也。子糾邦云確証依魯見殺于生。竇宋納厲公。責賂而無厭。鄭不能堪。獻公之死也。晉國內亂。夷吾因秦師反。辟于晉。其後卒敝之于韓原。吾觀夷吾背惠反德。繆行誅殺。有自取死之道。亡國僇身不足爲怪。然晉以新起最勝之國。師徒撓敗。靡骨郊原。秦人廢置其君。曾

如反覆手之易。蓋晉不足取。重于秦。而諸侯亦自此而輕晉矣。且夫文公復國。既又用秦人之力。文公死而襄公立。是故以分則秦大父也。以德則造國者也。父死而孤立。則國家多難。安危治亂之一日也。晉之君臣。以爲不立威。則無以聲諸侯。而警秦人。非望之心。不戰勝。強國則無以立威。昔者齊桓公死。其子孝章記公因宋襄以定位。齊之後無復能伯諸侯者。則以季公因人定位。不能立威故也。山西之國最強。莫如秦。秦有廬柳之恩。而又有韓原之威。今方過軼于殺。乘

其阻而虜之制勝萬全而無後慮此先軫所謂天奉
之一時不可失也于是卒敗秦師而伯諸侯雖朕倖
天○道○絕○人○理○足○以○動○天○下○之○兵○晉○之○不○終○覆○於○秦○也○
蒼○亦○幸○哉○

丘邦士曰陰謀語出之詞氣紆徐平遠不固
古人狡險移我性情此作者胸中造化處

○○○殺二

用間之道十三篇中已極言之此特因先軫
一語拈出至趙涉事殆有巧合其他直謂奏
洎成之可也自記

秦之襲鄭也與二三大臣陰謀于戟門之內千里襲
人然晉人知其出師之故其君臣之謀議所以從違
之意皆得而知之如耳聞而面命然古人之于敵國
未有不用間而能成功也漢景之世七國反叛周亞
夫討之趙涉說呂吳王知將軍行必置間人于殺麗

阨。阨。之。間。及。亞。夫。至。策。陽。使。吏。搜。殺。漏。間。果。得。之。于。是。安。驅。至。于。昌。邑。吳。楚。之。謀。亦。固。欲。以。閒。人。勝。也。孟。明。徑。師。于。殺。而。不。虞。人。之。乘。其。險。不。知。出。趙。涉。之。計。此。所。以。爲。晉。禽。哉。用。閒。有。四。有。事。于。其。國。路。麋。而。闕。之。者。有。餌。其。臣。僕。漏。言。于。我。者。有。離。其。君。臣。將。相。之。交。者。有。使。人。入。其。境。譯。其。事。以。告。者。春。秋。時。衛。欲。伐。邢。禮。至。以。昆。弟。仕。之。掖。殺。國。子。而。滅。邢。韓。鄭。國。事。秦。勸。之。開。渠。以。罷。其。力。此。所。謂。事。于。其。國。者。也。越。賂。太。宰。而。勾。踐。反。國。漢。通。項。伯。沛。公。免。死。此。所。謂。餌。其。

臣、漢者也。秦欲圖趙而先去廉頗。漢欲滅楚而豫疎范增。此所謂離其交者也。趙括不知秦用武安君而敗。淮陰侯知趙不用李左車而勝。此所謂謀其事者也。夫用間而僅謀事以告爭勝負于一時。此亦策之最下者。世之爲將者。則併舉其下策而棄之也。

彭天若曰：格力古峭逼視周秦。

李咸齋曰：一結感慨悲涼不盡。

○○○ 燭

善戰者不敗，善敗者持其勢而制之，不至于大潰而不可止。晉林父之戰于燭也，吾謂先穀獨濟之後，有可以救敗之道。而林父三失之：兵法曰「順命爲上」，有功次之。昔城濮之役，祈禱奸命，舟之僞先歸而顛覆，負從亡功，咸殺無赦。蓋威克愛者勝，愛克威者敗，所固厭也。今夫毒蛇螫人，指人則拔刀而斷之，非其指之不足愛，以爲愛指之足，以賊吾身，故寧忍其小，以不忍于其大。當是時，林父按甲堅壘，命司馬追斬先

穀徇于師以厲三軍之用命三軍之士必戰栗激發
以致死苟其不能則舉先穀而委之處分委之或請濟師以戰
或全師而退焉以尸亡屬之罪此不過棄其一指而
不足恤何林父之弗講也惑于韓厥專罪分惡之謀
使違命者益驕而不可制彼旃錡何所懲哉且夫旃
錡固嘗求公族與卿而弗得者也夫拂于人者則不
可用人非其人之所欲則不可以使奉使召盟非二
子之志明甚而苟焉許之以重其釁其一敗不可救
毋惑也方楚之逐旃而薄晉軍林父鼓于軍中日先

濟者有賞中下之軍爭舟而不得濟是以大敗吾觀

鞏之戰也引據明卻克傷于矢流血及屨鼓音不絕遂大敗

齊師三逐而徑其國林父其時使以先濟之賞賞陷

陣之士以鼓先濟者而鼓楚師下令曰楚人薄我我

退不得濟必殲于河進而死敵可以生林父請身先

之如此則士氣百倍有死無二吾未見楚之必勝而

晉必敗也士會卻克丹○此○一○稱○証○更○唯○僅殿上軍而不敗况以三軍禦

楚而不能自全必不然矣嗚呼致之死地而後生背

水決戰爭必勝之勢此韓信所以破趙而惜夫林父

之不知此也

丘邦士曰責林父皆正論議論一直到底而中間自旋轉聯絡處行文絕佳

溫伯芳日前二敗真林父之罪若謂宜以三軍進而擊楚竊恐楚莊爲君叔敖爲宰有制之兵有能之將而欲以不和之師僥倖取勝其必自殲於河上無疑雖兵法有置之死地而後生語然唯韓信可以料陳餘馬謖一蹶之遂取敗於仲達誰謂林父乃韓信比而楚

莊叔教僅僅一陳餘輩乎然則篇中移賞陷陣之議所謂只可隔壁聽者也但通篇行文縱逸可誦不得以寸短棄其尺長

門人鄧曦曰救敗三道真名言確計朱子謂林父合按兵不動召先穀誅之先穀違命豈肯聽召遣司馬追斬之可也然春秋時偏裨皆命卿從無主將專殺之法則委穀于敵最爲得宜溫評謂移賞陷陣議不可行不知此敗極爲狼狽若致死以戰雖不勝不過如此

是均一敗北猶不失死綬之義况以上軍推
之則勝負實不可知乎

○章

立威之道不在于多戰勝在于善養其威以時動而
不詘不善養其威則最勝之後可以敗衄而不能振
千金之弩一發而微三屬之甲貫石而裂犀及其罷
也則不能達魯縞虎豹革于深山樵蘇爲之不履日
出而攫人人則阱而搏之是故恃爪牙之利以噬人
無厭者敗也猛虎暴然向逼控拳而亢其怒亦敗也
昔者楚靈王好戰威殫怨積以自斃于乾谿吳王夫
差數興征役卒沼于越蓋二君者止知威在于戰勝

而不知養其威以立于不敗之道是以戰敗而威挫
吾觀郤克聘齊齊頃人憚婦人而笑之于是克以魯
衛之役請八百乘而敗齊于鞏郤子之去齊也濟河
而矢之曰所不此報無能涉河故士會請老而授之
國政以逞其欲彼頃公固遂以克爲泊朕無所憾恨
于其心耶抑晉不足與耶宋閔公斬南宮長萬陳靈
侯戲夏徵舒雖其臣不免于弑繆嬴大國之卿哉克
之帥車徒以集于鞏其勢固若猛虎之暴朕必思搏
噬而後已者頃公不辟其鋒而桀然逞其輕勇以爭

一旦之命宜乎折北不救而幾爲晉禽也。藉富強之
力馮陵小國。躡武而不止。而又以立積怒之彊敵。所
謂恃爪牙以噬人。控拳而搏猛虎。此二敗者。頃公兼
之矣。晉襄公敗秦師于殽。彭衙之役。又敗之。孟明增
修國政。謀報其耻。濟河焚舟。以伐晉。趙衰曰。懼而增
德。不可當也。于是晉人不出。秦耀兵晉地。方洋數百
里之間。取勝而還。楚子重侵衛及魯。布惠于國。悉師
而起。鄧克爲晉大政。不耻于失諸侯。辟楚而不敢爭。
蓋秦持必死之心。楚挾傾國之衆。二子知其必不可。

勝而不務強勝之故。不至于敗。而失其盟主之勢。是殆所謂善養其威者與。

涂允恒曰。養威之道。以不爭爲勝。惟能人知之。此與儒者之讓老氏之退。又自不同。議論最有實用。至其行文。則全乎蘇氏家法矣。

○○鄢陵

鄢陵之役申叔時憂楚之必敗而范文子憂晉之必勝楚之禍在于未敗之前晉之禍在于既勝之後二子者皆老成憂國之言而文子尤深遠而不可及是役也楚共王晉厲公皆失之是以並受其亂古之善謀國者必審其國之強弱而爲之制因其弊而矯之云通篇長編文其字振發縱行處亦在此及其未窮而變之則寬而不弱強而不至于折昔者秦以力戰取天下亦欲以力戰守之至于胡亥勢已極而將斃使李斯于此知所變計弛刑息兵休役薄

不斗云李
斯即知變
計胡亥亦
不能從朕

此者真千
計無出
此者真千
計無出

飲以與天下安養因其郡縣而爲之簡循良因其銷
兵器而爲之勸農事修禮教則天下之民既免于七
國戰爭之患畏其故威而樂其新德秦之享國雖六
七百年如商周之曆可也漢武黷兵海內騷動昭帝
嗣立此亦天下窮而將折之時也霍光于此而不知
變計則漢可以立亡善夫山濤之論伐吳也杜預表
請伐吳張華推枰而贊於武帝濤退告人曰外寧必
有內憂今釋吳以爲外懼豈非算乎宋李洸以真宗
春秋方盛天下太平而日陳四方水旱盜賊之事此

皆有得于范氏之意者合是故得其道則爲霍光之于昭帝反其道則爲李斯之于胡亥又○帶○出○二○種○人○守其弊而不變弱則爲周之受制于諸侯宋之見侮于夷狄而強則爲晉厲楚共秦苻堅隋楊廣之好戰以自斃若夫桓溫又○別○劉裕之徒○出○二○種○人○成功于外挾震主之威悍然行其弑逆而無所顧忌此又師樂書之遺智以自遂其私者後世君臣欲戰勝以立威于天下其必達于范文子之說而後可也

丘邦士曰文子山李諸人只能說其老成深

慮耳此更看出強盛後一種變計非僅作憂
危迂濶者論更精實文自縱橫得大意
溫伯芳曰無一字不是至言要論通篇錯引
雜出不離本旨絕不墮喧客犯主之病真老
手奇文

○○平陰

石云冷眼
看出奇絕
於衆知用
聞於平陰
知不欲戰
皆能於無
文字處見
古人作用

善用兵者能使戰之權在我而不在敵是故我欲戰
敵不欲戰而能使之戰者城濮之役是也我不欲戰
敵欲戰而能使之不戰者平陰之役是也何以知平
陰之不欲戰也楚子伐隨伯比諸毀軍以納少師晉
得秦謀而殺諸絳市未有欲與人戰而洩其謀張其
兵以示之者然則晉何以不欲戰也齊地大兵彊不
以謀攻之而專務力以勝齊齊未可必勝也靈公無
勇而輕叛晉伐魯若童子之猖狂喜事其發甚銳而

如此

持之不堅。此可以詐謀虛聲撼已。今夫攻人攻其所必救。破人者破其所恃。魯莒之入既脅。以必救之勢。而齊侯馮陵小國所恃者衆耳。吾卽以衆懼之。則所恃必喪。于是而齊侯果遁。晉人乘勢攻畧。與諸侯之師若馳。無入之地視。棄之敗。又加甚焉。向使晉急於一戰。戰未必得。雖勝未必若此。其甚也。司馬懿禦蜀孔明。遣以巾幘。卒不得戰。項羽戒曹咎。堅壁成皐。漢軍辱之一戰而敗。兵無定勢。而謀無必行。要顧其敵何如耳。齊靈公使從風沙。衛守險之言。周軍高壘。以

老諸侯之卒役久食匱必懈而還師吾奮銳以要擊之晉其能果不敗乎嗚呼此又用謀之難也

族祖石牀日駕空立論逼真蘇明允而空山生實尤過之奇絕奇絕

○○○汧陵

鄭敗宋師于汧陵

宋云○特勝也

特勇者敗齊頃公晉觀

虎之徒是也

特

強者亡楚靈王吳夫差之徒是也天

寵之孰能殺之問鄭驪何以滅

特

長也地不足欲其

誰貪之問莒何以破三都特陋也已試之利可以再

取何絞

特

樵采之獲而歸于山下成功之將可以再

試何屈瑕

特

蒲騷而隕于荒谷兩國相誦大者勝問

秦何以敗于芮楚何以敗于羅魯何以辱于魚門

特

其小也兩大相角衆者勝問士魴何以敗于櫟

特

少也傳曰密通仇讎幸而敵在千里之外問黃何以

亡恃遠也耶何以潰恃城近也易曰王公設險以守

其國古者建國必立城何耶問陳何以滅於楚時聚也問康公何以敗于徐吾

恃戎無備也書曰有備無患兵法曰攻其無備何耶

吳之亡也稻蟹不遺種問庸何以殲于臨品恃楚飢

也春秋子女王帛賓服于鄰國焉越恃楚也問鄧與

弦何以滅恃婚姻甥舅也齊桓公死小國不寧處于

是夫爲齊之會滕何以恃晉伯而見伐于宋無與者

謂之絕物無援者謂之絕地徐何以恃齊救而敗于

婁林庸何以恃吳援而滅于楚問楚何以敗吳于庸

是通大格變換處

浦特楚喪不能師也問吳何以敗楚于皐舟特吳不

出不能師也何以獻公喪而秦制晉王官之役晉人

不出而秦何以霸西戎趙姬曰盾也才楚子重曰師

衆而後可問何以路滅于晉特才與衆也自單父以

來小國之以賂免者多矣厥謂下策然易危爲安百

不一失問何以鄆滅于莒萊滅于齊特賂也書曰同

德度義傳曰仁者無敵不戰而服厥謂上策問茲父

何以喪于泓特仁義也

賈所中曰引類詳悉可爲兵鑒大都我可以
加人者不可恃其可加人不可以加我者不
可恃其不加而已覽古戒今者莫辨於此

曾止山曰文與平論四意格畧同此篇變化
處微露巧妙耳

○○○兵謀

凡兵有可見有不可見可見曰法不可見曰謀法而
弗謀猶搏虎以挺刃而不設阱也謀而弗法猶察脉
觀色而亡方劑也左氏之兵爲謀三十有二曰和曰
息曰量曰忍曰弱曰彊曰致曰畏曰防曰需曰疾曰
久曰激曰斷曰聽曰詭曰信曰諜曰間曰內曰蒙曰
偏曰與曰脅曰假曰名曰辭曰備曰法曰同曰日本曰
保何謂和上下禮讓同心是也爭車之役趙考叔以
登弧先登子都射而顛之非取叔登趙考叔可以表

敗矣。隱十故關廉曰師克在和不在衆。桓十是故彼

虜之蒐也狐偃讓毛趙衰讓樂枝先軫而文公翦諸

侯。僖廿七繇上之蒐也上句讓伯游韓起樂驥讓趙武

民和而諸侯遂睦。襄十城濮之役晉少長有禮勝楚

人。僖廿八邲之役楚卒乘輯睦勝晉故晉卻至曰二憾往

必敗楚孫叔敖反旆而先薄晉軍。宣十邲陵之役晉

卑讓有禮勝楚二卿相惡敗。成十城林之役晉中軍

下軍不和故無功。襄十四平陰之役殖綽郭最面縛。襄十

八故孟獻子曰晉師乘和師必有大功。成十鄭子展

日晉君方明八卿和睦必不棄鄭

襄八

楚閻辛曰不和

不可以遠征吳爭于楚必有亂

定五

子囊曰上讓下

競晉不可敵也

襄九

是以崇卒之役魏舒斬荀吳之嬖

人而不怨故敗狄

昭九

藉丘之役鄭翻願爲鵠御願爲

鵠故華氏敗

昭十

炊鼻之役林雍羞失耳顏鳴三人

齊師而呼之故季氏不敗子囊野洩相此故齊無功

昭廿六

夷儀之役東郭書王猛和故克

定九

范宣子讓其

下皆讓

襄十

趙簡子不讓下皆自伐

哀二

故范文子後

人

成二

而孟之側抽矢策馬

哀十

與國之師輯睦是也

入鄭之役蔡人怒而敗

隱十

楚人驚巴師而巴人叛

桓

秦竊與鄭盟而晉師去

僖十

鍾離之役七國同役而

不同心

昭廿三

棘澤之役宛射犬幾陷鄧

襄廿四

是以

諸侯睦于晉而麻隧勝

成十

汾之役楚子庚曰諸侯

睦于晉而請嘗之

襄十八

何謂息民而用之也是故

衛州吁阻兵安忍而衆叛

隱四

宋瑒公十年十一戰而

華督弑

桓二

士蒍曰虢公必棄其民無衆而後伐之

莊廿

七

卜偃曰必易晉而不撫其民不可以五稔

僖二

申叔

時曰楚內棄其民必敗

成十六

沈尹戌曰楚必亡邑不

撫民而勞之

昭廿四

魏絳和我曰民狎其野

襄四

晉悼公

息民三駕而楚不能爭是以知武子曰脩德息師而

來終必獲鄭我之不德民將棄我

襄九

王官之役孟明

重施于民

文二

荒浦之役蘧子馮請息民以待其卒

襄廿

四

宋之盟向戌欲弭諸侯之兵以爲名陳文子曰弭

兵而我弗許則固携吾民矣

襄廿七

故楚平王不伐吳

以爭州來息民五年而後用師

昭十三

吳夫差視民如

仇而用之日新是以滅于越

哀廿二

何謂量量已之謂

量量諸人之謂量秦桓公伐晉晉侯畧狄土而使魏

說量效

顓敗秦于輔氏者量也

宣十

楚伐鄭子產曰晉楚將

平不如使逞而歸于是鄭人不禦寇者量也

襄廿六

故諸侯之戎謀出華氏以爲楚功

昭廿一

衛人度五伐

可以戰而叛晉

定八

陽虎合五父之衢寢而爲食

定八

羊牧之使庚輿過烏存

昭廿二

冉有曰魯之群室衆于

齊之兵車

哀十一

孔子曰以魯之衆加齊之半可克也

哀十四

萊章曰君暴政卑天奉多矣又焉能進

哀廿四

邴

意茲曰絳不三月不能出河

定十三

皆量也是故不量

必敗息侯不度德量力以伐鄭

隱十

黃人不共楚讎

二僖十 滑人叛鄭僖廿 隨以漢東諸侯叛楚僖卅 衛孔達

伐晉文 救陳宣十 鄭侵晉虛滑成十 衛侵齊而戰于

新築成 楚伐陳聞喪而還陳不聽命襄十 陳恃積聚

而侵楚哀十 莒敗齊于壽餘昭廿 蕭殺熊相宜僚公

子丙宣十 龍殺盧蒲就魁成 莒殺公子平成 鄭侵蔡

而獲公子燮襄八 公徒敗于且知昭廿 巴人伐楚而敗

于鄆哀十 雖然量而後進諸侯伐鄭聞首止之師而

還圍鄭聞汝上之師而還成十 楚伐宋遇台谷之師

而還成十 晉救陳宋遇北林之師而還宣 元者弱也何

謂忍。晉伯宗曰：國君含垢是也。今夫能勝人者必能

下人。故孔子曰：小不忍則亂大謀。是故鄭伯肉袒牽

羊而楚莊王曰：其君能下人必能信用其民。襄十息

以違言伐鄭而大敗。隱十以弗賓傾蔡而滅國。喪夫

人也。莊十故城濮之役楚子入居申。僖廿八王官之役晉

人不出。文三豚澤之役衛人不伐魯師。定六邲之戰士會

曰：知難而退先穀。反之是以大敗。宣十二華元殺申舟

而宋國斃。宣十五重丘人詬孫蒯而喪邑。襄十七曹人詬

子肥而宋公還滅曹。哀八魯昭公伐季平子而出。昭廿五

是故能忍者師有所不戰城有所不攻桑隧之役晉

三卿曰成師以出而敗楚之二縣何榮之有若不能

敗爲辱已甚

成

陽陵之役荀瑩曰我寔不能禦楚又

不能庇鄭戰而不克爲諸侯笑

襄

偃陽之役荀瑩曰

城小而固勝之不武弗勝爲笑

襄

鄭駟弘曰知伯復

而好勝早下之則可行也

哀

趙襄子曰以能忍恥

庶無害趙宗故曰知伯貪而復故韓魏反而喪之

七何謂弱彊而示之弱以驕之是也晉士蔿不報號

曰號公驕必棄其民

莊

廿

文公退三舍以驕于玉

傳

入闕伯比請羸楚師以張隨六鄭莊公縱叔段使自

斃隱元中行桓子盈赤狄之貫六宣是以闕叔救鄭趙盾

曰姑益其疾而去之二宣楚侵鄭衛韓厥不報曰使重

其罪民將叛之是以有鄢陵之師五成十海涇之役齊

侯曰是好勇去之以爲之名六襄十陽陵之役知武子

曰我逃楚楚必驕驕則可與戰矣十襄吳使舒鳩誘楚

而伐桐曰爲我使之無忌三定故楚師于棠吳人不出

而子囊以吳爲不能四襄十何謂四弱而示之彊以懼

之是也是故楚子敗津而鬻拳脅以伐黃九莊十楚大

九云于一
以中難南
以章法妙

飢而爲賈請出師以罷百濮

文十

新城之役卻缺曰

君弱不可以怠而入蔡

文十

扈之盟鄭子家曰將悉

敵賦以待于僇

文十

爰婁之盟齊賓媚人曰請收合

餘燼背城借一

武二

三戶之役楚人曰將通于少習以

聽命

哀四

然不可以彊而彊者殆說在陳文子謂齊將

有寇兵不戢必取其族

襄廿四

孟獻子謂鄭師競已甚

而有災

襄十

不可以弱而弱者衰說在楚圍宋而晉師

不起

宣十五

孔子告哀公討陳恒而不從也

哀十四

何謂

我欲戰敵不欲戰而致其師是也城濮之役分曹

衛之田以界宋。弔宛春以怒楚。

倍廿八

河曲之役晉派

壘固軍而士會請使輕者肆焉。

文十

棘澤之役晉使

張骼輔蹠致楚師。

襄廿四

邲之役楚使許伯樂伯攝叔

致晉師。

定十

吳使舒鳩誘楚而爲之伐桐。

定十

邲師午

侵齊以致其師而歸衛貢。

定十

何謂畏我大而畏我

衆而畏我彊而畏我勝而畏我謀成而畏我故曰弗畏。

○法○水○變○法○入畏洧陵所謂恃者必敗也。

見前篇

是以齊師敗績曹

劓視其轍亂旗靡而後逐之。

莊十

趙簡子克鄭傳使以

爲知在而憂未艾。

哀二

鄭收楚師于勞柳而子良憂其

災者

宣九

畏之至也。故闢伯比曰：莫敖必敗，舉趾高心

不固

桓十三

爲賈曰：子玉剛而無禮，必敗。宣七王孫滿

曰：秦師輕而無禮，必敗。

僖十三

褚師圃曰：齊侯克敵而

驕，必敗。

定九

樂書曰：楚君日討國人而訓之，于禍至之

無日勝，不可保。戒懼之不可怠，是以郟之戰，趙旃席

于軍門之外，而晉師敗。楚大勝而莊王謙詞求助于

唐侯

宣二

故。舟師繁楊再敗，而子西喜其可爲者。

定六

敗而畏也。飲穀陽豎之酒醉不能見者，敗而不畏也。

成十

非兵而如兵之謂。

防

凡伯朝魯，戎伐之，楚丘以

六

歸隱

齊侯鄭伯朝紀而欲襲之

桓

楚子以食入享而

滅息

莊十

晉館于虞以襲虞

僖

邾大夫戕鄆子于涇

宣十

慶舍嘗而殺

襄廿

餘祭觀舟而越俘弑

襄廿

荀

吳假道以入晉陽

昭十

白公獻戰備以作亂

哀十

宋

大尹興空澤之甲以劫六卿

哀廿

是故乘其不意見

法人以詭我者

後見

皆不可不防楚師在郊鄭人登陴

伯舉逆女鄭請爲殫

昭元

宋將有災備兵庀武

襄九

二子知謀完守入保

襄十

鄭國火作授兵登陴

昭十

進而待之之謂靈邾降齊師魯莊公曰姑務脩德以

待時是也

莊入

救宋之役伯宗曰楚未可與爭君其待

之

宣十

鄢陵之役姚甸耳曰其行速速則失志

成十六

白公之亂沈諸梁曰偏重必離聞其殺管齊修也而

後人

哀十

戲之役知武子曰修德息師而來終必獲

鄭何必今日

棄九

邲之役桓子曰楚歸而動不後

宣十

泓上之役太子友曰戰而不克國將亡請待之

哀十

先穀彌庸反之是以大敗萊門之役景伯曰吳輕而

遠不能久請待之季孫不從是以有城下之盟

哀十

故當需而需者齊桓公伐楚師次召陵而不進是也

反覆踴躍
勢如魚挺

傳四不當需而需者叔孫豹帥師救晉而次于雍榆是

也三襄廿且夫兵有需焉以老其師者鄢陵之役樂書

請固壘而待之六成十河曲之役史駢請深壘固軍以

老秦師二文十伐鄭之役子展請完守以老楚人雖然

吾之師則不可以老故鄭申侯曰師老矣出于東方

而遇敵不可用也四倍晉軍吏曰楚師老矣何故退廿

八鄭皇戌曰楚師老矣而不設備擊之必敗二宣十急

而乘之之謂疾疾速杞之役隨少師有寵鬬伯比曰敵

有數不可失也八桓采桑之役里克不從狄號射日期

人雙結帶
起

年狄必至

傳入

曲梁之役伯宗曰必伐之後人或將敬

奉德義而若何待

宣十

牛首之役齊太子光先至于

師而長滕侯

襄十

離城之役子疆曰久將墊隘不如速

戰

襄廿五

邴意茲請伐河內曰絳不三月不能出河則

我既濟水矣

定十三

國參請救于陳成子曰大國在敵

邑之字下是以告急今師不行恐無及也而成子立

阪鞭馬

哀廿七

蔡公入楚以籐爲軍

昭十三

楚爲一昔之

期以襲梁霍

哀四

是故當需者不可以疾當疾者不可

以需需不害疾疾不害久何謂久持久以要之是也

楚伐宋築室反畔者而宋盟

宣十

諸侯伐鄭歸老幼

居疾于虎牢而鄭服

襄九

靡角之役歸老幼反孤疾

襄廿

六寒氏之役衛侯城其西北而守之午泉宵燿

定十

楚

子圍蔡里而栽蔡人男女以辨

哀元

何謂

激

自抑以作

其怒是也。速杞之役季梁請下之以怒我而怠寇

桓人

韓之役韓簡曰三施無報今又擊之我怠秦奮

僖十

二君不從故及于敗是以狄伐衛文公以國讓父子

兄弟而後師于訾婁

僖十

楚伐庸師叔曰彼驕我怒

而後可克

文十

冉求再問不對而孟武伯退而蒐乘

一 哀十 何謂斷不疑也。人雖疑之。我終不疑。故曰決者。

事之斷也。是以合庫之役。陳子行抽劍曰。需事之賊。

也。 哀十 蒲騷之役。闔廉不請濟師。不更卜。 桓十 衛大

旱。寧莊子請伐邢。 僖十 伯宗必伐潞。 宣十 卻克必戰。

鄆陵。 成十 楚昭王必救陳。 哀十 趙鞅荀瑤不卜伐齊。 哀十

三 哀廿 齊侯駕而走郵棠。太子光抽劍斷鞅。 襄十 鐵之

戰。晉龜焦而樂丁不順。 哀二 中年之役。衛龜焦而衛侯

過之。 定九 楚惠王以舊卜將公孫寧。 哀十 且夫將在軍。

君命有所不受。故夫槩王曰。臣義而行。不待命。以其

屬五千擊子常之卒

定四

孫叔敖欲還則南轅反旆

宣十

二士勾伐齊聞喪而還不以請諸君也

襄十

是故當

斷而不斷必敗城濮之役楚子命子玉去宋而與志

卒

僖廿八

郟之役桓子欲還而聽韓厥以分惡

宣十

是

也不當斷而斷必敗子玉違命以戰城濮先穀專行

以戰郟是也何謂聽聽聽也或聽于衆或聽于賢或

聽于能或聽于尊不聽則敗聽于私則敗屈瑕殺狇于

師曰諫者有刑是以熾于羅

桓十

韓原之役晉惠公

不聽慶鄭

僖十

泓之役宋襄公不聽子魚

僖廿

城濮

大段中
各小段
一章法

之役子玉不聽楚衆

僖十

秦穆公不聽蹇叔

僖三

穀魏錡趙旃不聽荀林父

宣十

樂厲不聽伯游

襄十

孫良夫不聽石稷

成二

范中行不聽高彊

定十

楚子常

不聽沈尹戌

定四

慶舍復而死于太公之廟

襄廿

昭公

不聽子家羈而敗于且知

昭廿七

夫差不聽子胥而越

沼吳

哀元

此不聽則敗者也荀林父聽韓厥

宣二

子常

聽史皇

定四

此聽于私則敗者也長勺聽曹劌

莊十

城濮

聽先軫子犯

僖廿八

此聽能者也背鄫聽輿人

僖廿八

戲

聽諸侯

襄九

此聽衆者也魏絳從欒伯

襄十

荀偃士句

從知伯

十 襄

此聽尊者也救宋之役聽伯宗

五 宣

十虎牢

之役聽孟獻子

二 襄

狄之滅也聽桓子

五 宣

十戎之和也

聽魏絳

四 襄

此聽賢者也聽人者莫尚賢賢則尊賢則

能賢則衆或曰賢則衆奈何一賢人謀之衆人違之

以聽則不公不公不順不順事不成賢則衆奈何魏

子曰夫聽人者莫尚賢矣樂書侵蔡

六 成

楚救之將戰

荀首士燮韓厥諫曰不可乃遂還于是軍帥欲戰者

衆或曰聖人與衆同欲子之佐十一人其不欲戰者

三人而已欲戰者可謂衆矣武子曰善鈞從衆善衆

一兩人役
二章法
以兩何
起而聞
之

之主也。三卿爲主，可謂衆矣。此善聽者也。六何謂

知人之說，我以說人皆是也。何謂說人？息侯求救于

蔡，而使楚伐之。莊晉假道以滅虞。傳秦隈入而繫與

人昏而傳商密宵坎血加書而盟，戍人。僖廿魏壽餘

僞叛以歸士會。文十晏弱城東陽以圍萊。襄六楚備吳

以襲梁霍。哀四齊嬖女而以藩載樂盈。襄廿三胥梁帶僞

效封而執烏餘。襄廿七士蔑裂田而城爲之卜，以執蠻

子。哀四荀吳使師僞糴負甲以滅鼓。昭廿二用牲于雒以

滅陸渾。昭十七僞會齊師，假道鮮虞以入昔陽。昭十廚

人濮以裳裹首而荷以走日得華登

昭廿一

公孫剗請

息肩于齊而伐飲馬之師

昭廿六

子上退舍陽子宣言

楚遁

僖三十三

楚子木衷甲

襄廿七

癸何獻兆于慶舍

襄廿八

驅赤走侯犯

定十

吳洩庸如蔡納聘而納師

哀二

越侵楚

以誤吳

哀七

齊人不勝四公子之徒與宋人戰敗而

立孝公

僖八

何謂知人之詭秦使泠至召三子卻芮

口幣重言甘誘我也

僖十

河曲之役秦人請戰史駢曰

使者目動言肆懼我也將遁矣

文十二

平陰之役太子

光曰師速而疾畧也將退矣

襄十八

北鄙之役孟公綽

曰崔子將有大志不在病我必速歸

襄廿五

宋之盟伯

風曰楚氛甚惡

襄廿七

廩丘之役晉軍吏令繕將進萊

章曰是實言也役將班矣

哀廿四

雒三塗之役萇弘曰

客容猛非祭也其伐戎乎

昭十七

陽虎請伐魯鮑文子

曰是欲罷齊師以奮其詐謀

定九

越子率衆以朝吳且

饋賂之吳人喜而子胥懼曰是豢吳也

哀十一

何謂信

兵雖說道不厭信禮是故晉文公伐原而退舍

僖廿五

荀吳使鼓殺叛人而繕守備

昭十五

華元子反各輸其

國情

宣十五

風沙衛以無備告

襄十九

鄭子展請杖信以

待晉

襄八

士句侵齊聞喪而還

襄九

楚人伐陳聞喪乃

止

襄四

東門之盟以藩爲軍而趙武不衷甲

襄七

潛之

役卻宛聞吳亂而還

昭廿七

申包胥哭秦庭而哀公出

師

定四

孔子以禮却萊人

定十

解揚反楚

宣五

子產命師

無入公宮

襄五

子伯季子殺載祔者許公爲曰與不

仁人爭明無不勝

哀六

子反北師而申叔時曰信禮

之亡必不免

宣二

晉伐鄭殺鄭行人伯蠲君子曰非

禮

莊廿

子犯曰子玉無禮哉君取一臣取二不可失矣

是故聲伯請逆於晉師四日不食以待使者信

也

宣十

連稱管至父及瓜不代而作亂無信也禮以

詐爲信說在范宣子之以魯莒之情告析文子也。美

人何謂諜間諜也。間之曰間諜。其事曰諜。濟西之役

戎侵魯而不知。莊十無諜也。故曰秦謀襲鄭而晉知

之者諜也。僖三十一諸侯有成行而子蟭知之。襄十魯宵軍

齊師齊師聞之。定四微虎微宵攻王舍而吳王一夕三

遷。哀八以輕車千乘厭齊師之門告荀寅者。哀廿七諜也。

弦高以乘韋牛十二犒秦師而遽告于鄭。僖三十三滅宣

叔道晉師以伐齊。成二漚管人道吳師以伐武城。哀八亦

諜也。羅人欲伐楚師而使伯嘉諜。桓十二子元伐鄭諜。

告曰楚幕有烏

莊廿八

齊伐魯宵謀曰齊師遁

哀十晉

得秦謀殺諸絳市

宣

鄭得晉謀殺建

哀十

何謂間

而撓之間而離之是也何謂離晉私許復曹衛而使

宋告絕于楚是也

僖廿八

何謂撓吳使長鬣三人以伏

舟側而迭應是也

昭十七

伯州犁在楚苗賁皇在晉

成

六析公繞角

成

雍子彭城

成

子靈通吳晉

成叔孫

輒教吳伐魯而漚菅人道之

哀

此西鉏吾所謂收吾

憎以間吾

成

是遺敵以間者也苗賁皇雍子狗

師而逸楚四

成

吳子縱胡沈之卒

昭

是以敵

爲間者也。駟赤走侯犯

定十

拳彌奔出公

哀廿五

冶區夫

來費人以叛南氏

昭十三

范宣子以魯莒之謀告子家

襄十此間之神也。何謂

內在外日姦在內日宄肉爛

于外人得而知也。魚潰于內人不得而知。敵侵于外

奸伏于內不可支矣。是故兩軍相對。申叔展問河魚

腹疾者內也。

宣十三

宋華元夜入楚軍。登子反之牀者

亦內也。

宣十五

楚子孔潘崇帥師伐舒蓼。使克燮守而

作亂。

文十四

楚師在鄭而子孔謀去諸大夫者

襄十

亦

內也。自外而內者顯禮至是已。

僖廿五

內而內者微鄭

夫人啓京城大叔

隱元

匿庭南鄧啓曲沃武公

桓二

鄭厲

公因櫟人以殺檀伯

桓五

蔡公因正僕人以殺太子祿

公子罷敵

昭十

寺人貂漏師于多魚

僖二

連稱之從妹

間襄公

莊八

王子帶召揚拒泉臯伊

維之戎

僖一

樂盈之入絳也因魏獻子

襄二

伯有之

入鄭也

因馬

師頡

哀三

晉先穀召狄

宣三

齊盧蒲癸

王何刺子之

襄廿

殖綽工僕夜縋納齊師

襄九

陳城

而役人相命以各殺其長

襄三

莒蒯婦紡焉以度而

破紀鄩

昭九

太子建之母召吳人而啓之以入鄭

昭廿

分二段
分三段
而以五句
亂之

三建召晉師于鄭

哀十

魯人懼澹臺子羽

哀十

衛人病

祝史揮

哀廿

內而內者微何謂

我

我慎其釁因人之

文格之變

釁是也何謂慎其釁趙宣子曰隨會在秦賈季在狄

難日至矣

文十

是也何謂因人之釁闕伯比曰敵有

難不可夫

文十

隨會曰用師觀釁而動

宣十

是也是故

或以內亂或以飢或以喪何謂亂衛之亂也邾人侵

衛

隱五

狄之亂也衛人侵狄

襄三

晉有范氏之亂齊魯

衛鮮虞伐晉

哀元

陳有夏氏之亂楚子入陳

宣一

閻氏

之族爲亂巴人伐楚

莊十

晉敗于韓狄侵晉

僖六

齊

民潰秦伯取梁

傳十

郭分爲三魯取郭

襄十

晉從攻

者新三帥專行而伍參勸戰

宣十

晉君少而范處

北方

文

諸侯貳而秦人白狄伐晉

成

何謂飢楚大饒

戎庸麋百濮皆伐楚

文十

晉飢秦人侵晉而弗能報

吳稻蟹不遺種而越人滅吳

哀廿二

何謂喪魯惠

公薨有宋師

元

鄭成公卒有晉師

襄

楚莊王卒有吳

師

襄十

宋人因滕喪而圍滕

宣

吳子因楚喪而伐楚

狄因晉喪而侵齊伐晉

傳三

鄭因滕喪而伐宋

襄十

何謂偏以

伯國死而國人召寧喜克孫氏

襄十

何謂偏以

襄十

何謂偏以

勢偏之所謂不戰而屈人之兵也。費伯城郎以偏極

二邾人戍虛丘以偏魯。魯僖公置桓公子雍于穀

以偏齊。僖廿六楚納魚石于彭城戍之以偏宋。成十

赤謂侯犯齊人欲以郕偏魯。定十孟獻子請城虎牢諸

侯戍焉以偏鄭。襄二晏弱城東陽以偏萊環城堙之而

傳于堞以入萊。襄二孟武伯城輪以偏成。哀十楚靈

王圍徐以逼吳。昭十鄭城嵒戈錫處平元之族以偏

宋。哀十楚昭王大封二公子以害吳。昭三宋代曹築

五邑于其郊而因以滅之。哀七何謂與與國是也。凡戰

必仗與國。春秋據諸侯以伐諸侯。是故君子必慎其

所與。或因而携之。以孤敵。或翦焉而弱之。或攻所惡

以取入。鄭伯請成于陳。不許。五父諫曰。親仁善鄰。國

之寶也。陳侯不從。鄭侵焉。而大獲。隱六鄭伐宋。宋不告

命于魯。而魯會齊謀于防。隱九楚侵隨。鬬伯比曰。隨張

必棄小國。小國離楚之利也。故季梁謂隨侯曰。君姑

修政而親兄弟之國。桓六秦人巴人。群蠻從楚師。以滅

庸。文十晉會虞師。以取下陽。虞滅。虢以自滅。僖五陳蔡

不至。而魯之圍邾無功。莊七江黃會而齊桓伐楚。僖三城

濮之戰晉使宋以賂晉之路賂齊秦

僖廿七

鄆陵之戰

申叔恃謂子反曰楚內棄其民而外絕其好吾不復

見子矣

成十

邲之戰樂書曰楚鄭親矣鄭不可從

宣十

二孔叔曰齊方勤我背德不祥故鄭伯不成于楚

僖三

又曰國君輕則失親故鄭伯逃師而齊人伐

僖五

慶鄭

曰怒隣不義故晉侯閉糴而敝于韓

僖四

閻叔曰能

欲諸侯而惡其難乎遂次于鄭以待晉師

宣二

西鉏吾

曰事晉何爲晉必急之

成十

韓厥曰欲求得人必先

勤之乃師于台谷以救宋

成十

楚子曰不伐鄭何以

求諸侯于是有南里之役

襄廿六

子庚曰諸侯方睦于

晉乃涉于魚齒之下而還

襄十

鄭子蟜曰與人而不

固取惡莫甚焉乃濟涇而次

襄十四

魏絳曰勞師于戎

而楚伐陳必弗能救是棄陳也諸華必叛

襄十四

知武子

曰吾三分四軍與諸侯之銳以逆來者

襄九

是故諸侯

貳而白狄伐晉

成九

徐伐莒而莒人請盟于魯

文七

鄭侵

晉而太子爲質于楚

成十七

單子欲告急于晉而以王

出次于皇

昭廿二

齊衛圍戚而蒯聵求援于中山

哀三

鄭

皇耳侵衛以固與楚

襄十

申公巫臣通吳于晉而教之

叛楚

成七

蔡侯唐侯因吳以害楚

定四

曹背晉奸宋宋人

伐之而晉不救

哀七

吳使魯敝師以伐齊

哀十

晉伐鄭而

駟弘請救于齊

哀廿七

諸侯爲宋伐鄭

莊十五

魯穆叔賦

圻父與鴻雁之卒章

襄十六

故曰必仗與國雖然魯莊

公以齊圍郕而郕降齊師

莊八

楚與巴人伐申巴人叛

楚而伐那處

莊十八

周襄王以狄伐鄭其後狄攻周

僖廿

四

晉文公以秦伐鄭秦背晉而戍之

僖三十

召伯盈逐

王子朝

昭廿六

韓魏反喪知伯

哀廿七

故曰必慎其所與

攜之爲言間也間而離之者是

見前

上陽之役晉滅虢

而因以取虞

傳五

揚梁之役秦楚伐宋以報晉

襄十

人爲徐伐英氏

傳十

狄間晉之有鄭虞也又因晉喪

而再侵齊

傳三

晉陳鄭伐許楚故也楚侵陳蔡伐鄭

晉故也

傳三

楚鄭侵魯西鄙鄭侵宋北鄙晉故也

襄十

晉取鄭而楚陳伐宋

襄十

楚五大夫圍徐以懼吳

昭十

二齊叛晉而國夏伐魯西鄙

定十

鄭桓子思患宋人之

有曹也而救曹

哀七

故曰翦焉而弱之魯隱公欲求宋

而爲之伐邾

隱七

孟獻子爲晉侵宋

成六

衛爲晉侵鄭

成十

伐鄭

成十

鄭爲楚侵宋

襄二

爲晉侵蔡

襄八

邾爲齊伐魯

第十 魯爲晉侵齊

襄廿

楚爲許伐鄭

襄廿

魯侵鄭取

匡爲晉討鄭之伐胥靡也

定侵衛晉故也

定宋侵鄭

鄭叛晉也

哀

故曰攻其所惡以取入晉侵崇以求成

于秦

宣

鄭惡宋以固與晉

襄十

吳伐桐以來楚

定此

反而用之亦所謂致師者也

何謂致師以不得不從

是也故兵法曰攻其所必救是故衛伐齊邢狄伐衛

以救齊

僖十

齊伐魯衛伐齊以救魯

僖廿

楚圍江晉

伐楚以救江

文

鄭侵晉衛侵鄭以救晉

成十

晉伐鄭

秦伐晉以救鄭

襄十

宋圍曹鄭侵宋以救曹

哀

此攻

其國者也。齊伐鄭，楚圍許以救鄭。

倍

楚伐徐，齊伐厲。

以救徐。

倍廿五

楚圍宋，晉伐曹，衛以救宋。

倍廿七

楚伐鄭。

晉侵蔡以救鄭。

倍十三

晉伐齊，楚伐鄭以救齊。

倍廿四

晉

伐鄭，楚侵陳，侵宋以救鄭。

成九

此攻其與者也。何謂

假？假於意。假于鬼神，假于物象是也。子犯釋鹽腦之

夢。

倍廿八

巫臯徵隊首之夢。

襄十

是謂意。樞有聲而卜。

偃拜。

倍三十二

龍滑孔禮以掌祭，謾狄人。

閔二

是謂神。公子

偃蒙臯比以敗宋。

莊十

胥臣蒙馬以虎皮而陳，蔡奔。

倍廿

人。是謂物。雖然，鬼神則有。子玉不以瓊弁玉纓界河。

神而从于連穀信廿八中行獻子以朱絲繫玉二穀禱

于河而勝齊襄十老人結草以亢杜回宣十韓厥中

御而從齊侯成二樂盈請祠事于齊而中行獻子瞋而

受含襄十楚昭王救陳卜戰與退不吉而死于城父

哀六宣子夢文公攜荀吳而授之陸渾故穆子帥師昭

七卜伐宋不吉而趙鞅止哀九是故恃神者凶聽于神

者凶夷吾卜慶鄭吉而不使信十天道在西北而南

師不時襄十越得歲而吳伐之昭十二是恃神者凶神

賜之土田而虢公力戰莊十二是聽于神者凶是故晉

文公卜勤王得阪泉之兆

傳廿五

孫文子卜追皇耳而

兆如山陵

襄十

閭廉不卜伐郕

桓十

趙鞅荀瑶不卜伐

齊

哀廿三

楚惠王不更卜公孫寧而敗巴師

哀十

公子

魴改卜而敗吳

昭十七

丁樂衛侯不辟龜焦

定九

或曰左

氏好誣神與卜者誕也魏子曰二百四十二年之中

信者傳也何謂名傳曰師出有名是也是故名必執

義循禮而後名立宋公不王而鄭伯以王命討宋

隱九

邾人不曾伐宋齊鄭以違命入邾

隱十

齊桓公請師于

周而宋人成

莊十四

敗衛師而數之以王命

莊廿八

救邢

以從簡書而諸侯悅

問元

辭子華而鄭服

傳

責楚苞茅

不貢而楚知罪曰昭王南征而不復名不節也

別出

傳

四晉

文公左師逆王而諸侯從

傳廿五

而臧文仲道子玉伐

齊宋以其不臣也

傳廿六

故晉襄公伐衛先且居曰效

尤有禍請君朝王而臣從師

文元

樂王鮪謂范宣子曰

奉君以走國宮必無害也從而克

襄廿三

高彊謂范中

行曰若先伐若是使睦也不從而敗

定十

桓魋欲攻

君子車曰伐國民不與也祇取死焉

哀十四

石乞請弑

王白公曰弑王不祥

哀十六

靈不緩徇于國曰與我者

論

兵謀

我若者也而衆與樂得曰彼以陵公有罪我伐公則

甚焉而施于大尹

哀廿六

陳乞鮑牧以甲入于公宮

哀六

楚莊王謂陳人曰無動將討于少西氏而陳服

宣十一

沈諸梁曰棄德從賊其可保乎而箴尹固從

哀十 范

鞅曰樂氏帥賊以入而魏舒之公

襄廿三

夫名不一類

晉人之用名也奇城濮之戰退三合欲進而以退爲

名也則其有名于進也矣

信廿八

汪之役辟秦焉而先

伐之欲退而以進爲名也則其有名于退也矣

文延二

州季子謂楚子期曰我請退以爲子名是善居名者

也。十哀何謂辭辭令也鄭息之役傳曰不徵辭是也。十隱

一甯母之會管仲曰若總其罪人以臨之鄭有辭矣。

何懼是也。七倍故有以辭全有以辭敗宋使失對魯不

出師。五隱子玉取二狐偃決戰。倍廿夔子飾詞楚人滅

之。五倍廿子反辭大敗于郟。宣十子期強辭諸侯復

伐。九襄荀偃專辭械林無功。四襄十子朱易辭三軍暴骨

六。襄廿是故詹父有辭而以王師伐虢。桓十魯有辭而

郎之戰交綏。十桓荀息有辭而虞公假道。倍陰飴甥有

辭晉人哭且悅而秦穆公歸夷吾。倍十展喜有辭而

兵謀

齊侯還

傳廿六

燭之武有辭而秦伯戍

傳三十

邾人有辭

而宣子從

文十四

攝叔有辭而鮑叔不逐

宣十二

鄭子家

有辭而鞏朔行戍

文十七

鄭伯有辭而楚莊許平

宣十二

賓婦人有辭而晉師罷

成二

宋有辭而楚人患之

昭廿二

隨有辭而吳人退

定四

宋左師辭順而民從大尹無別

而民叛

哀廿六

子產有辭而晉人不討人陳也

襄廿五

何

謂備未戰備戰未敗備敗書曰有備無患是也繻葛

之役先偏後伍伍承彌縫

桓五

羅之敗屈瑕不設備

桓十

三魯桓公告疆吏曰慎守其一而備其不虞

桓十七

弦

論一段
上篇起結

子不事楚又不設備故云

傳

滅文仲諫僖公曰無備

雖衆不可恃也僖公不從而敗于升陘

傳

嘗婁之

役邾人不設備而襄仲再伐

襄三

庸人勝楚不設備

而楚滅之

文十

邾之戰晉楚之言備也詳楚軍左轅

右追蓐前茅慮無故士會曰軍政不戒而備不可敵

也鄭皇戌曰楚師老矣而不設備擊之必敗樂書曰

二廣代駕以備不虞不可謂無備卻克曰二憾往矣

不備必敗士會曰楚之無惡除備而盟何損于好若

以惡來有備不敗且雖諸侯相見軍衛不撤警故楚

子使潘黨率游闕四十乘以從唐侯士會設七覆而

上軍不敗趙嬰齊先具舟而濟也故曰邲之戰晉楚

之言備也詳

宣十

爲齊難故臧宣叔令脩賦繕完具

守備曰知難而有備乃可以逞

成

魯勝齊季孫命脩

守備曰小勝大禍也齊至無日矣

哀十

西宮之難子

產完守備成列而後出

襄十

渙梁之會警守而下

襄十

旃然之役楚師將涉潁而城上賴

襄十

林鍾之役魯

城西郭武城

襄十

師于鍼衛人不保而夏陽說欲襲

衛

成

渠丘公恃陋楚決辰而克其三都

成

故曰恃陋

西地實界
地在中間

而不備罪之大者也豫備不虞善之大者也是以狄

人不備而敗于交剛

成十

宋人不備而敗于汜陵

成十

六舒庸人不備而滅于楚

成十

楚人弗儆而敗于皐

舟

襄十

陳不設備而司徒印獲

襄十

莒人不設備而

敗于蚡泉遠啓疆不設備而敗于鵲岸

俱昭

鮮虞大

不脩備而獲于晉

昭十

許不設備而大獲于鄭

成八楚

邊人不備而吳滅巢鍾離

昭十

故晉侯使詹嘉處瑕

守桃林之塞以備秦

文十

鄭子展請完守以老楚

襄八

晉成公待于壞廣而申宮警備

成十

公飲處父請孟

襄叔子文集

論

卷三

兵謀

李

孫先備

定八

成人成備而後告齊

昭廿六

周先警戎備而

大獲

昭十七

雩婁之役秦楚侵吳聞吳有備而還

襄廿六

城箕之役吳早設備楚無功而還于是楚子使沈尹

射待命于巢遠啓疆待命于雩婁

昭五

是以慶舍之誅

也甲環公宮矣士釋甲束馬而觀優于魚里

襄廿八

子益之囚也魯師及范門而猶聞鐘聲

哀七

何謂法

莫大乎賞罰是故莫敖繼于荒谷

桓十三

子玉歿于連

穀

僖廿八

子反歿于瑕

成十六

城濮之役殺顛頡祁瞞舟

之僑

僖廿八

清之役殺先穀而滅其族

宣十

曲梁之役

魏絳戮揚干之僕

三

崇卒之役魏舒斬荀吳之嬖人

昭元

孟諸之役申舟扶宋公之僕

十文

此罰法也鄭莊公

詛射潁考叔者

一隱十

先穀債命于邲而無誅

二宣十

城

濮之役殺顛頡而黜魏犢

八僖廿

河曲之役放胥甲而

釋趙穿

元宣

失罰也箕之役卻缺爲卿

十三僖三

牽之役厥

括朔穿駢旃皆爲卿

三威

赤狄之役以穀晁命士會爲

太傅

六宣十

入陳之役賜子展先路三命之服子產次

路再命之服皆有邑

六襄廿

晉襄公賞桓子狄臣于室

五宣十

悼公賜魏絳金石之樂

一襄十

宋武公賞彫班以

開門之征

文十

齊侯旌敝無存以犀軒與直蓋三襜

而親推之

定九

魯之嬖僮汪錡可無殤

哀十

此賞法也

衛侯生賜北宮喜析朱鉏以墓田與謚

昭二

闕懷欲

弑君而與于復國之賞

定五

介之推不言祿祿亦弗及

僖廿四

矢賞也魏子曰孟明三用

文三

荀林父復其位

宣十

二冶父之群帥免

桓十

舉卻缺也賞晉臣以先茅之

縣

僖十三

庸中行伯也賞士伯以瓜衍之縣

宣十五

先軫

狄秋晉襄公命先且居將中軍

僖十三

陳成子救鄭召

顏涿聚之子晉而賞以邑與車

襄廿七

子木滅舒鳩而

賞薦掩

襄廿五

郤獻子將救人既斬而使速以徇

成魏二

絳戮揚干而悼公與之禮食佐新軍

襄三

岳之役鄭子

賸徇曰得桓魋者有賞而魋逃

襄十三

雍丘之令曰使

有能者無死而郊張鄭羅歸

哀九

鐵之戰趙簡子設衆

賞而自設罰

哀二

此賞罰之善者也何謂同同甘苦也

楚饑伐庸振廩而同食

文十六

闔廬在軍熟食者分而

後敢食所嘗者卒乘與焉

哀元

是以申叔儀歌佩玉而

知吳所以亡

哀十三

羊羹不及斟而華元獲

宣二

後食射

犬于幄外而再不謀

襄四

然而士養于素德行于非

所望是故翳桑餓夫倒戟以出宣子宣而公孫羗取

子姚之旗者素也二哀何謂本修其本以勝之是也辟

之樹土厚根暢而柯葉茂雖風雨不搖是故可以戰

可以無戰不以戰設也而戰已畢故季梁曰君姑修

政而親兄弟之國六桓鄧曼曰君撫小民以信訓諸司

以德而告莫敖以天之不假易也三桓十長勺曰分衣

食信玉帛察小大之獄以情十莊士薦曰禮樂慈愛戰

所畜也夫民議事樂和愛親哀喪而後可用七莊廿申

叔時曰德刑詳義禮信戰之器也六成十子魚曰君姑

此段俱用
口字

內省德無闕而後動

僖十

季札曰二君不務德而力

爭諸侯

哀十

晉文公欲用其民子犯曰民未知義知禮

知信

僖廿七

韓之役韓簡曰師少于我鬪士倍

僖十

城

濮之役子犯曰師直爲壯曲爲老

僖廿八

孟明增德修

政重施趙成子曰不可敵也

文二

楚德刑政事典禮不

易隨武子曰不可敵也

宣十二

吳師在陳楚大夫皆懼

子西曰夫先自敗也已安能敗我故曰闔廬在國親

巡孤寡而共其困乏

哀元

陳成子救鄭屬孤寡而三日

朝

哀廿七

是以衛文公不衣帛冠訓農通商惠工勸學

任能致革車三百乘以伐邢

閔

楚子重已責逮鰥救

乏赦罪悉師爲陽橋之會而晉人畏

成

晉悼公任賢

授能施舍輸貸修民事田以時三駕而楚不敢爭

九

范宣子曰楚立子囊必改行而疾討陳

襄

子囊曰君

明臣忠上讓下競晉不可敵

襄

叔向曰在其君之德

襄

楚平王簡兵而撫其民振窮養老救災赦罪任

良物官

昭

楚再敗子西遷郢于都而改紀其政

定

白公請伐鄭子西曰楚未節也

哀

季康子欲伐邾

子服景伯曰民保于城城保于德失二德者危將焉

保哀七此皆所謂知本者也。故仲孫湫告齊桓公曰：親

有禮，因重固，間攜貳，覆昏暴者，本也。元閔是以衛懿公

好鶴受甲者，不戰。元閔梁伯九僖十唐咎如失民而潰。三

不知本也。曰：和曰忍，曰量，曰息，曰畏，曰信，曰同，本也。曰恃，失本

也。夫先釁于敵，以取禍，皆不知本者也。是故戎伐凡

伯于楚丘凡伯，不賓也。七隱魯伐杞，朝而不敬也。二桓曲

沃武公伐翼，侵陘庭之田，而南鄙啓也。二桓楚伐鄭，鄭

人奪楚幣也。九桓號仲諸詹父伐焉，而奔虞。虞公求璧

創伐焉，而奔共。池也。魯鄭交伐，宋朱無信也。俱桓又

論
兵謀

責賂無厭也

桓十

楚伐蔡蔡侯止息媯弗賓也

莊十

滅譚

莊十

楚伐鄭

莊十

侵陳

襄四

魯人杞

僖廿五

晉滅曹衛

僖廿八

無禮也諸侯伐鄭鄭無故侵宋也

莊十六

齊滅遂

諸侯會北杏而遂人不至也

莊十三

伐宋討不與盟于

齊也

僖十三

蔡滅沈沈人不曾于召陵也

定四

爲國以晉

師殺夷詭諸免而弗報也

莊十六

秦執夷吾于韓倍賂

也

莊十六

公子友敗莒人于鄆求賂也

僖元

鄭穆公曰晉

不足與于是乎伐宋會扈取賂也

宣元

虞之滅貪賂也

僖五

蔡之潰蔡姬未絕而嫁也

僖三

諸侯伐鄭逃首止之

盟也

信六

楚再伐麋逃厥貉之會也

信元

晉伐蔡蔡人不

與新城之盟也

信五

伐許不與雞澤也

襄三

狄滅溫蘇

子無信也叛王

信十

即狄又不能于狄

信十

秦入鄆郢叛楚

即秦又貳于楚也楚滅六六叛楚即東夷也

信六

文圍

巢

信二

滅舒蓼

信八

叛也伐黃不歸楚貢也

信一

宋伐

曹

信五

吳侵陳

信元

修舊怨也楚伐陳討貳于宋也

信廿

三

晉敗秦于殽貪而輕也

信十三

晉伐衛取戚不朝晉

且侵鄭也

信元

宋師圍曹報武氏之亂也

信三

魯伐莒取

向莒人不肯平刻也

信四

潞之滅怕其雋才而不茂德

也

宣十

泓之傷宋公強求諸侯且不阻隘不鼓不成

列也

二信廿

肇之敗婦人之笑辱也

二成

劉康公敗績于

徐吾氏平戎而微戎也

元成

諸侯伐郟郟成于吳也

八成

楚敗于鄢陵無信也

六成

楚滅舒庸道吳伐楚也

十成

七

鄭皇耳獲無故侵衛也

十棄

齊侯貳于晉而圍成范

宣子假羽毛而弗歸也

五棄

衛石買孫蒯執伐曹取

重丘也

八棄

鄭子展子產入陳陳隧并堙木刊也

廿棄

楚滅舒鳩卒叛楚也

五棄

楚未撫其民而城州來

以挑吳也

九昭

鼓之滅晉反鼓子而叛于鮮虞也

廿昭

二 弟鍾離之亾勞民連寇而無備也

昭廿四

魯侵鄭取

匡鄭伐周邑也

定六

趙鞅圍衛報夷儀也邯鄲午殺人

于西門報寒氏也

俱定十

楚滅胡胡子俘楚邑而不事

楚也

定十

圍蔡報柏舉也

哀元

夫差敗越于夫椒報檇

李也

哀元

趙鞅圍中牟衛助范氏也

哀五

晉師侵衛衛不

服也

哀七

吳伐魯武城犯盟伐邾也

哀八

伐齊南鄙乞師

辭師也

哀十

宋取鄭師取邑于外也

哀九

楚伐陳陳卽吳

也

哀九

清之師齊爲郕故也

哀十

知伯貪而愎故趙襄子

悉知伯韓魏反而喪之也

哀廿七

何謂保

保

保其勝也未

戰脩其本既戰保其勝。虢公驟勝而驕。莊廿七卻至戰

勝而求掩其上。成十季武子作林鐘昭所獲焉以怒

大國。襄十未有不敗者也是故楚獲少師而鬪伯比

請許隨盟。桓城濮勝而文公憂。信廿八穀彭衙勝而趙

衰辟秦。文二王官郊勝而秦穆公以江滅自懼。文四陳敗

楚獲公子蔑而懼而請平。文九楚莊王克鄭而許之平

勝晉而不爲京觀稱武德焉。宣十鞏勝而晉大夫讓

功。成二鄢陵勝而范文子戒修德。成十鄭服而晉悼公

禮鄆因納斥埃禁侵掠。襄十晉人勝而平于平。齊

襄廿三 昭廿二 子產入陳而爲之致民致節致地 襄廿 釋勝

齊而季孫修守備 哀十 申包胥以秦師興楚而逃賞

定沈諸梁克白公而老于葉 哀十 六

○○○兵法

○第○云○畢○起○
兵不法不立。魏子曰：左氏之兵爲法二十有二日先。

日潛日覆日誘日乘日衷日誤日瑕日援日分日嘗。

日險日整日暇日衆日簡日一日勸日死日物日變。

日將何謂先？魏子曰：兵有先聲以奪人者，有先發而。

制人者，所謂先聲奪人者，管之役魯隱公先敗宋師。

而鄭人以入郕入防，隱十許之役瑕叔盈以蜚狐登周。

麾而呼曰：君登矣！而鄭師畢登，隱十平陰之役范宣。

子曰：魯莒以車千乘自其鄉入而齊侯恐，襄十鄆陵。

之役苗貢皇曰秣馬利兵明日復戰而楚王宵遁

成十

六 彭城之役雍子發命於軍歸老幼反孤疾師陳焚

次明日將戰而楚師宵潰

襄廿六

上雒之役楚使謂陰

地之命大夫曰將通于少習以聽命

哀四

鄭子賈使徇

日得桓魋者有賞

哀十三

救鄭之役有自晉師告者曰

將爲輕車千乘以厭齊師之門

哀廿七

所謂先發制人

者鄆之役莊公聞期而命子封帥車七百乘以伐京

隱元

郎之役公子偃自雩門竊出而先犯之

莊十

蒲騷之

役楚以銳師宵加於郎

桓十

莒人求路而公子友敗諸

鄢傳元剗首之役趙宣子曰先人有奪人之心文孫叔

敖曰進之寧我薄人無人薄我車馳卒奔以敗晉於

鄢

宣十

二廚人濮曰及其勞且未定也伐諸故齊宋敗

吳師于鴻口

昭十

一陳乞謂諸大夫曰盍及其未作也

先諸作而後悔無及也

哀六

虞公求寶劍而虞叔伐之

桓十

楚飢伐庸而百濮罷

文十

六鄢之役魯薄宋未陳

莊十

一河曲之役史駢請薄秦師于河

文十

二泓之役子魚

請薄楚半濟又薄其未陳

僖廿二

夾泚之役大孫伯懼

晉人半濟而薄我

僖廿三

夫槩王半濟而擊楚

定四

中行

穆子未陳而薄翟

昭元

叔弓未陳而薄莒

昭五

是故滑之

役弦高以牛韋犒秦師鄭穆公使秦戍取麋鹿

僖三十三

亦謀之爲先聲先發者也何謂潛潛而軍之是也梁

霍之襲楚爲一昔之期

哀四

極之入無駭因費序父城

郎之師而勝者

隱二

潛也濟西之追戎侵魯而魯人不

知

莊十

商密之傳秦人過析而二公子不知

僖五

者

潛也故杞子自鄭使告于秦曰潛師以來國可得也

僖三十三

是故鄭以三軍軍其前潛軍軍其後而敗燕師

於北制

隱五

趙盾潛師夜起以敗秦於令狐

文七

楚子乘

驛會師於臨品而滅庸

文十六

秦庶長鮑先入晉地而

庶長武濟自輔氏以與鮑交伐晉師

襄十

吳人不出

而自皐舟之隘以要擊楚師

襄十四

見舟於豫章潛師

于巢而敗楚

定二

司馬戌欲使子常與吳沿漢而已悉

方城外以毀其舟

定四

吳徐承帥舟師將自海入齊而

齊人敗之

哀十

越子夜使左右句卒鼓譟而三軍潛涉

以鼓吳之中軍

哀十七

何謂覆伏而乘之是也北戎使

鄭鄭爲三覆以待

隱九

絞驅徒役于山中楚人坐其北

門而覆諸山下

桓十

邲之戰士季使鞏朔韓穿帥七

覆於敖前

宣十

丘輿之役公子偃使東鄙覆諸郟

成三

庸浦之役楚設三覆以敗吳

襄十

夫渠之役鄭人覆

之而敗宋於汧陵

成十

齊墮伏以待魯

定七

何謂誘以

弱示之是也齊墮伏以待魯

定七

公子突使勇而無剛

者嘗寇而速去

隱九

狐毛設二旆而退之樂枝使輿曳

柴而偽遁

僖廿八

七遇皆北而楚滅庸

文十

庸浦之役

養叔請誘吳師

襄十

離城之役子彊以私卒誘吳

襄廿

五晉欒范易行以誘楚

襄廿六

魏舒五陳相離以誘翟

昭

元滑羅不退於列以誘曹

定十

鍾離之役吳公子光

日請先者去備薄威後者登陳整旅昭廿三以敗嘗之

是也也連○報○其師者必先敗見○後以利餌之是也屈瑕請無

捍樵采以誘絞二相十巢牛臣啟門以誘諸樊五義廿陳

鮑氏爲優以誘慶氏八義廿魏子曰凡兵莫善於潛於

覆於乘於衷矣潛而襲之覆而要之衷而斷之乘之

以奇兵是皆誘也朱華御士曰楚欲弱我也先爲之

弱乎何必使誘我十文廬戢黎誘殺鬬克公子燮四文十

曲沃伯誘晉小子侯殺之七相其所爲誘吾不得而知

也何謂乘乘間也出其不意先發以制人乘於未陳

乘於牛濟者皆是也。

見前

伐朱之役魯敗朱師於管鄭

入防郛鄭師在郊朱衛入鄭朱衛蔡入戴鄭人圍戴

以取三師而入宋

隱十

鄆陵之役楚晨壓晉軍而陳

成十

六

朝歌之役趙鞅師於其南而荀寅伐其北

哀四

魯僖

公在會而滅項

僖十

鄭伯會晉師而門於許

成八

秦襲

鄭不克而滅滑

僖十三

晉侵蔡不獲而侵沈

成八

季武子

救台入瑕

襄二

崔杼送陳無宇而侵介根

襄四

秦師

夜遁而侵晉及瑕

文二

楚敗於吳而滅唐

定五

晉以諸

侯伐鄭而以鄆師侵陳楚

襄元

晉師悉起於平丘而荀

吳侵鮮虞

昭十

狄間晉之有鄭虞也而侵齊

僖三十

間

宋之盟而侵晉

成十二

吳在楚而於越入吳

定四

鄭因楚

敗而入許

定六

晉圍朝歌而狄襲之

定四

吳入楚而胡

子俘楚之近邑

定五

諸侯伐郕而鄭侵宋

莊五

魯間

晉難而伐邾取須句

文七

齊謂諸侯不能也而侵魯西

鄙

文五

莒人間諸侯之有事而伐魯東鄙

襄十

虛丘之

戍將歸而魯人敗之

僖元

楚師

而吳人敗之

昭十

三

公孫申彊許田而許人敗之

成四

邾子藉稻而邾人

俘之

昭八

孫林父嘉出而甯嘉伐襄

襄六

烏餘襲羊

角乘大雨，竇入以襲高魚。

襄廿六

伯有竇入以伐舊北

門。

襄三十

斐豹待於隱，而自後擊殺督戎。

襄十三

巢牛臣

隱於短牆，以射諸樊。

襄廿五

齊人醉而遂人殲齊師。

莊十

七狄飲酒而甘，歐敗狄於邲。

文十七

慶氏之士飲酒

觀優而子尾殺子之。

襄廿八

伯有醉而子皙伐

襄三

風

沙衛會食而殖綽工僂夜縋納齊師。

襄十九

陽關之役

陽虎焚萊門以警魯師而犯之。

定九

舍墓之役，曹人克

懼而晉攻之。

僖廿八

大戟之役，鄭人入井，倒戟而獲狂

狫。

宣二

鄢陵之役，弗翰胡欲使謀，格鄭伯而從俘。

成十六

刳首之役，趙盾潛師夜起。

文

穎上之役，鄭子罕宵軍。

之而宋齊衛失軍。

成十

旅松之役，鄆叔紇宵犯齊師。

以送臧紇。

襄十七

杞殖華還，載甲夜入，且於之隧。

襄廿三

楚以銳師宵加於郢。

桓十一

魯陽虎欲宵攻齊師。

定十七

虎欲宵攻吳王之舍。

哀八

王子還夜取王以如莊宮。

昭廿

二楚爲一昔之期，以襲梁霍。

哀四

公孫龙宵攻鄭師，取

蠡旗於子姚之幕下。

哀二

鄭宵突陳城。

襄廿五

何謂衷折

而取其衷是也。今有敵師於此，我衝其師爲二，是我以衷斷敵也。我攻其前後而夾之，是我使敵衷也。北

戎侵鄭公子突去以誘之覆以待之襲戎師而前後

擊之

隱九

楚圍鄢鬬廉衝陳其師於巴師之中以北而

與巴師夾攻鄧人

桓九

城濮之戰狐毛設二旂而退樂

叔與曳柴而偽遁卻縠以中軍公族橫擊之毛偃以

上軍夾攻子西

僖廿八

吳人要擊楚師而獲鄧廖

襄三

臯舟之隘要擊楚師而楚不能相救

襄十四

吳人居楚

師之間七日而子彊憂爲禽

襄廿五

邾師過離姑武城

人以兵塞其前推其後之木以蹙之而取邾師

昭廿二

司馬戍欲毀吳舟使子常濟漢伐之而自後擊吳

定四

荀寅伐北郭之圍使其徒自北門入而犯師以出

哀三

何謂誤伍員曰多方以誤之是也

昭三十

乾時之役秦

子梁子以公旗辟於下道

莊九

繞角之役析公使晉多

鼓鈞聲以夜軍楚師

襄廿六

雞父之役吳舍胡沈之囚

使奔許蔡頓曰吾君死矣

昭廿三

申公巫臣使吳伐楚

而子重子反一歲七奔命

成七

吳伐夷侵潛六圍弦楚

師至而吳還

昭三十一

笠澤之役越子夜使左右句卒或

左或右鼓譟以亂吳師

哀十七

何謂瑕管子曰攻瑕則

堅者瑕是也繻葛之役鄭子元請先犯陳蔡

桓五

即之

役公子偃先犯宋師

莊十

城濮之役亦先犯陳蔡

僖廿八

鍾離之役吳子先犯胡沈陳

昭廿三

鄧陵之役苗賁皇

請先擊左右

成十六

速杞之役季梁亦請攻右

桓八

之役夫槩王先擊子常之卒

定四

皆所謂攻瑕者也夫

攻堅者說在楚以銳師敗郢而四邑離

桓十一

槩牛臣

謂是若也死而殲其少安

襄五

何謂援聲援是也兵

必置援以備不虞且張其聲故孟軻伯帥諸侯之師

救徐而諸侯次於匡以待之

僖十五

右師圍溫左師逆

王而晉侯次於陽樊

僖廿五

楚闕克屈禦寇屯於析以

援商密

僖廿五

僖公伐齊。與桓公子雍於穀。以爲魯援。

僖廿六

楚伐鄭。楚子師於狼淵。

文九

侵庸。楚子大師次句

篚

文十六

左尹子重侵宋而王待諸郢

宣一

子辛。皇辰

侵宋而子重爲後鎮

成十八

晉伐鄭。晉侯衛侯次於戚

襄元

秦伐晉。楚子師於武城

哀九

吳侵楚。養叔奔命。子庚

以師繼之

襄十三

楚五大夫圍徐而楚子次於乾谿。以

爲援

昭十三

魯次督。揚聲伯請逆於晉師

成十六

何謂分

兵必分道。以攻則奇。以守則固。以罷人則逸。以息民則不勞。以備不虞則不敗。繻葛之役。鄭子元請爲左

拒以當蔡衛右拒以當陳

桓五

鄆陵之役苗貢皇請分

良以擊其左右

成十六

絞之役楚師分涉於彭

桓十

羅

之役羅與盧戎兩軍之

桓十三

王城之役鄭伯將王自

圍門入執叔自北門入

莊十

陽樊之役右師圍溫左

師逆王

僖廿五

圍鄭之役晉軍函陵秦軍汜南

僖三十

北

林之役齊宋門鄭東門荀瑩自西郊以東侵舊許孫

林父侵其北鄙而諸侯會於北林

襄十一

平陰之役荀

偃士句以中軍克京茲魏絳欒盈以下軍克郭趙武

韓起以上軍圍盧而諸侯門其二門焚四郭

襄十八

楚

伐庸分爲二隊子越自石谿子貝自仞

文十

魯齊鄭

伐宋魯敗宋師於菅而鄭師入郛入防

隱十

齊伐魯齊

侯圍桃高厚圍防

襄十七

齊伐晉爲二隊以入孟門

襄十七

三吳圍潛楚五尹四出其師以救之而吳師不能退

昭廿七

知武子三分四軍以敝楚而門鄭三門

襄九

吳爲

三師以肄楚而多方以誤之

昭三十

楚臨上雒左師軍

於菟和右師軍於倉野

哀四

子朝之亂晉師軍於四地

王師軍於三邑

昭廿二

單劉伐子朝於尹畢子從阪道

劉子從尹道

昭廿三

其計僇翮之黨也單子伐穀城劉

子伐儀栗單子伐簡城劉子伐孟

定八

伐楚之役齊桓

公帥八國於召陵而江黃各守其境

僖四詳胡傳

伐鄭之

役楚師次於魚陵右師次於旃然而銳師侵其五邑

襄十

抵箕之役楚子使沈尹射待命於巢遠敗彊待

命於雩婁

昭五

越子伐吳泓上之役爲二隧

哀十

笠澤

之役爲左右句卒

哀十

稷曲之役老幼守宮

哀十

是

故宋皇瑗圍鄭師每日遷舍壘合而取之此用合者

也

哀九

繻葛

桓五

鄢陵

成十

三軍萃於王卒離城私卒誘

之而簡師會之

襄廿五

秦子蒲使楚人先戰吳而自稷

會之

定五

庶長鮑先入晉地而武濟自輔氏以交伐晉

師

襄十

此以分爲合者也何謂嘗嘗試也晉人侵鄭

以觀其可攻與否是也

信三

是故汾之役子庚曰臣

請嘗之若可君而繼之不可收師而退

襄十

炊鼻之

役梁丘據曰若可師有濟也君而繼之若其無成君

無辱焉

昭廿六

沂之役秦子蒲使楚人先戰以知吳道

定五

何謂險

凡戰必知地之險阻而爲之制故存自迫

於險者所謂置之死地然後生是也是以鄆有虞心

恃其城而無鬪志

桓十

范宣子出豹而閉之

襄十

有憑

險以自固者楚師舍鄴而晉人患

信廿八

楚飢且亂而

謀徙於坂高

文十

晉師納王使女寬守闕塞

昭廿六

孟

孺子速塞海陘

襄十

風沙衛請守險而連大車以塞

隧

襄十

中鮮虞枕轡而寢於弇中

襄廿五

有厄人於險

者蹇叔曰晉敗我必於穀穀有二陵焉

信三

魏獻子

伐狄日困諸阨必克

昭元

衛殺馬於隘以塞道

襄十

陳

無宇濟水而戕舟發梁

襄廿八

棠之役吳人要楚師於

臯舟之隘

襄十

夾漢之役司馬戍欲塞大隧直轅冥

阨

定四

離姑之役武城人塞其前斷其後之水而弗殊

推而蹙之以取邾師

昭廿三

蓋獲之役齊氏使祝鼂竄

此亦祝鼂也

戈於車薪以當門而一乘從公孟

昭二十

有陷人於險

者子洩道吳從武城

哀八

是故徑師於險如防大敵故

齊爲二隊以入孟門

襄廿三

秦師入險而脫

僖十三

楚師

過險而不整

成十六

而王孫滿姚句耳皆知其敗也有

自奮以出於險者樂鉞撤公以出於淖楚師薄於險

而叔山冉搏人以投

俱成十六

何謂整鄢陵之役樂鉞曰

好以衆整是也

成十六

故曰軍行如敵至戎伐鄭公子

突曰戎輕而不整

隱九

楚伐絞屈瑕曰絞小而輕輕則

寡謀

桓十

羅之役屈瑕亂次以濟

桓十

郎之役公子

偃曰宋師不整可敗也

莊十

殺之役王孫滿曰秦師輕

入險而脫必敗

僖三十三

巢之役巢牛臣曰吳王勇而輕

我獲射之必殪

襄十五

鍾離之役公子光曰帥賤而不

能整可敗也

昭廿三

河內之役齊侯介而驅輕故無功

定十

晉伐鄭蒐焉而還示之以整

宣十四

城濮之役子

玉收其卒而止

僖廿八

邲之役士會之上軍未動

宣十二

故皆不敗鄢陵之役陳而不整合而加暮故姚句耳
曰過險而不整不整喪列樂書曰楚師輕寃待其退

而擊之必勝

成十

析公曰楚師輕窺易震蕩也

襄廿六

公子光曰後者敦陳整旅

昭廿二

是以涉佗門於衛步

左右立如植日中而衛不敢啟門

定十

陳成子救鄭達

穀七里而穀人不知者

哀廿七

整也故句踐患吳之整

也使罪人三行屬劒于頸以自勁吳師屬目而遂伐

之

定十

何謂暇樂鍼曰好以暇是也無事示之暇有

事示之暇是故兩軍伐鼓而鍼執榼承飲

成十

楚王

堯櫛木莫敖入盟隨侯且請爲會也

莊四

達市之役鄭

縣門不發楚言而出而楚兵不敢進

莊九

邲之役樂

伯兩馬掉鞅射麋以獻鮑葵魏錡射麋以獻潘黨

宣

二棘澤之役張骘輔躒踞轉而鼓琴

襄廿四

平陰之役

追喜以戈殺犬於門中孟莊子斬其荷爲公琴州綽

以枚數闔

襄十

陽虎舍五父之衢寢而爲食

定

鄭人

殺、妙、

圍許而示晉不急君

成

雖然鍼之攝飲則可卻至之

免胄趨風受弓肅使者則不可

成十

何謂衆兵有以

少勝有以多勝少者奇兵也精兵也多者正兵也兵

衆合之則衆分之則奇故衆不可忽也城濮之役晉

伐木益兵楚王少與子玉之師而敗

僖廿八

鞏之役卻

克請八百乘而勝

成二

蕭魚之役諸侯悉師以復伐鄭

而鄭伯受盟

襄十一

平陰之役晉斥山澤而旆之乘車

者左實右僞以輿曳柴而齊侯脫歸

襄十八

鄢陵之役

晉人曰國士在且厚不可當也

成十六

子重曰師衆而

後可大戶悉師王卒盡行而晉人辟

成二

叔向曰諸侯

有間不可以不示衆也建旆而諸侯畏

昭十三

故晉敗

楚鄭入陳以七百乘

僖廿八襄廿五

捷菑之納鞍之勝以八

百乘

成二文十四

鐵之戰陽虎以先驅之旆益兵車而衛

太子自投于車下

哀二

何謂簡簡其精銳也鄭之役楚

以銳師宵加於鄢

桓十

鄢陵之役卻至日楚有六間王

卒以舊舊不必良

成十

離城之役子彊曰簡師陳以待

我

襄廿五

楚子重伐吳爲簡之師

襄三

孟氏使圉人之壯

者築室于門外

定八

齊邴意茲以銳師伐河內

定十三

楚

以銳師侵鄭五邑

襄十八

魯微虎欲宵攻王舍屬徒七

百三踊於幕庭而得三百人

襄八

清之役冉有亦以武

城人三百爲已徒卒

襄十一

泓上之役彌庸屬徒五千

哀十三

何謂一號令進退不二也吳入楚以班處宮而

夫槩于山爭

定四

魯入邾處公宮而師晝夜掠

襄七

皆無

號令者也故鄭子展子產入陳命師無入公宮而親

御諸門使其衆男女別而纍而數俘以出

襄廿五

管子

日夜戰多火鼓晝戰多旌旗是以繻葛之戰命二拒

曰旌動而鼓

桓五

王黑以靈姑鉅率請斷三人焉而用

之昭十廚人濮徇曰揚穀者公徒也

昭廿一

孟氏望見叔

孫之旌而伐公徒

昭廿五

楚子將乘右廣屈蕩曰君以

此始必以此終

宣廿二

樂書將載晉侯鍼曰侵官失官

離局有三罪

成十六

知伯視齊師馬駭而驅之及壘曰

齊人知余旗其謂余畏而反也

哀廿三

遷延之役諸侯

無功

哀十

河曲之役趙穿出而皆戰呼而止故亦無

功

文十

楚爲舟師伐吳不爲軍政

哀廿四

魯侵陽州無

軍政

定八

皆無功伍員曰楚執政衆而乖莫適任患必

大克之

昭三十

楚以諸侯救州來帥賤多寵政令不一

故大敗單子劉子伐子朝于尹而單子先至故亦敗

俱昭廿三

子木遠以右師先子彊帥左師以退而幾爲吳

禽五

清之敗左師次雩門五日右師乃從而樊遲

三刻

出

哀十

何謂勸激而厲之自抑以作其怒者

皆是也勸道有四曰恩曰威曰忿曰身楚伐蕭王巡

三軍拊而勉之三軍之士如挾纊

宣十

齊侯伐河內

斂諸大夫之軒惟邴意茲乘軒

定十

此以恩勸者也

晉圍偃陽荀瑩謂偃與旬曰七日不克必爾乎取之

襄十

孫蒯追殖綽弗敢擊文子曰厲之弗如

襄廿六

此以

威勸者也新里之役宋公巡曰國亡君死二三子之

昭廿

餘皇之役公子光請於衆曰喪先王之乘舟豈

惟光之罪衆亦有焉

昭廿七

此以忿勸者也齊侯親鼓

而士陵城

成二

莒子親鼓以獲杞梁

襄廿三

荀偃士有親

受矢石以滅偃陽

襄十

鞏之役卻克流血及屨鼓音不

絕齊侯三入三出出齊師以帥退

威

鐵之役趙簡子

伏設嘔血而鼓音不衰

哀

東郭書先登

定

陳成子衣

製杖戈而助鞭馬

哀

廿

范鞅用劔以帥退

哀

廿

烏枝

鳴請去備用劔以敗華氏

昭

廿

衛侯曰寡人當其半

定此以身勸者也且夫賞當功罰當罪恩威之用勸

之大者也曰信曰同恩之大者也恩威行夫然後人

輕死何謂死凡遇強敵必有致死之人攻城必有先

登之士

如頰考叔敵無存
東郭書先登之屬

箕之役先軫免胄而入狄

十三

彭衙之役狼睥以其屬馳秦師

文

械林之役樂

鍼亦馳秦師

襄十四

新築之敗石稷請止

成二

郢陵之役

唐荀亦請止

成十六

華不注之逐張侯曰擐甲執兵固

卽死也

成二

故長圻之役子魚先死

昭十七

夫槩王曰今

日我死楚可入也

定四

文之錯執弓而先日如牆而進

多而殺二人

哀四

是以吳王曰此同車國未可望也

哀八

而吳越皆有自剄之士

定十四

是故致之死地而後生

致亡而後存者皆死也

秦伯伐晉濟河焚舟

文三

賓媚

人請背城借一

成二

苑羊牧之使庚興過烏存

昭廿三

范

鞅烏枝鳴用劒

襄廿三

是故卻至日各顧其後莫有

鬪心我必克之

成十

鄆有虞心而恃城以敗於蒲騷

也

桓十

艾陵之役

齊人歌虞殞具舍玉尋約聞鼓相

厲以死

哀十

泓上之役

彌庸怒姑蔑之旗

哀十

而敗

且獲者天也何謂物

兵之變無所不有故物無所不

備

穎考叔以旗螯弧先登

隱十

王黑以靈姑鈐率

昭十

乘丘之役

魯莊公以金僕姑射南宮長萬

莊十

鬪椒之

亂

楚子曰文王克息獲三矢伯棼竊其二盡於是矣

宣

邲之敗知莊子抽矢叢納廚子之房以獲穀臣襄

老

宣十

公孫翩以兩矢門之而衆莫敢進

哀

楚武王

授師子焉以伐隨

莊四

冉有用矛於齊師

哀十一

范鞅焉

枚鳴用劍

襄廿三昭廿一

是故慶氏之士釋甲束馬而四族

介其甲以攻子之

襄廿八

齊武子失弓而罵

昭廿六

公徒

釋甲執冰而譏展逐

昭廿五

陽州傳六鈞之弓而顏高

斃者

定八

物失於身故也是故烏餘介於高魚之庫

襄廿

六伯有介於襄庫

襄三十

子重簡師爲組甲被練

襄三

雋

門莊十城濮

僖廿八

以虎皮晉車七百乘鞬鞞鞅鞞城濮

伐木以益兵

僖廿八

邲嬰齊使其徒先具舟於河

宣十二

武城黑曰吳用木也我用草也不如速戰

定四

季彌之

穀梁
與水火

亂皆執利兵無者執斤

哀廿五

物也是以晉惠公乘小

駟而還於潁物不便也

僖十

棘澤之役晉求御于鄭

襄廿四

申公巫臣舍偏兩之一與其射御以教吳乘車

者

成七

物便也物莫急於食虎牢下令於諸侯曰修器

備盛饌糧

襄九

黃父趙簡子令大夫輸王粟具庾人曰

將納王

昭廿五

吳伐齊城邢溝通江淮以輸糧

昭廿五

楚

伐宋築室反耕者

宣十

是故楚人伐鄭子展曰楚師

遠遠糧食將盡必速歸

襄八

而申叔儀登首山以呼庚

癸者

哀十

物匱也城濮

僖廿八

鄢陵

成十

晉入楚軍三

日穀赤狄侵晉取向陰之禾

宣七年

吳人食楚人之食而

從之

定四年

衛太子獲齊粟千車

哀二年

鄭人取周之禾麥

隱二年

諸侯取鄭禾麥

隱四年

白公曰焚庫無聚

哀六年

而楚取陳

麥者

哀七年

因物於敵也斬行栗

襄九年

伐雍門之萩

襄八年

井堙木刊者

襄五年

荑敵物也楚人予鄭金盟曰無以

鑄兵

僖八年

不以物予敵也且夫資於水火以克敵

物之大者也是故吳防山以水徐

昭十年

知伯決汾水

以灌襄子

襄廿七年見國語

秦毒涇以死諸侯之師

襄三年

廩丘

焚衝或濡馬褐以救之

定八年

鄭子駟盟國人以焚子如

之軍於市

咸十

諸侯焚齊雍門四郭申池之竹木

襄

八

尹文公涉於鞏而焚東訾

昭廿

楚焚吳師於麋

定

陽虎焚萊門驚魯師以犯之而出

定

九子路欲燔臺半

以舍孔叔

哀十

工尹固燧象以奔吳師

定

何謂變非

常之謂變故曰濟變有術處變事知其權是也楚武

王卒鬪屈除道梁澁營軍臨隨濟漢而後發喪

莊

王卒子閭與子西子期謀潛師閉塗逆子章立而後

還

哀

子期逃王而已爲王

定

子西爲王輿服以保路

五

棄疾殺囚衣之王服流諸漢而葬之

昭

十厨人僕

徇曰揚徽者公徒也褫首而荷以走曰得華登

昭廿一

乾時之役秦子梁子以公旗辟於下道

莊九鄢陵之役

楚晨壓晉軍而陳范句曰塞井夷竈而疏行首石首

納鄭伯之旌於殽中曰衛懿公不去其旗是以敗於

熒

俱成十六

趙鞅撫劍持帶劫魏舒之公

襄廿三

魏舒毀車

用徒

昭元

苦夷以殺女脅陽虎而魯師不敗

定七

北宮氏

之宰不與聞謀殺渠子而滅齊氏

昭二十

孟氏選圉人

之壯者築室於門外林楚怒馬及衢而騁以免季孫

定知莊子求人子以得吾子

宣二

魯求王子姑曹以

當子服何

哀八

重路越人申開守陴而納公

哀廿六

司馬

子仲請瑞以攻相氏

哀十四

子家羈以日入慝作請許

季平子

昭廿五

申包胥

此以血誠哀人○行○

立哭

○哀○

七日

○行○

夜以

○請○

請救

○於○

秦

○定○

茅

○四○

茅

夷鴻以茅叛

○而○

束帛乘韋

○自○

請救

○於○

吳

○哀○

弦高

○以○

乘

○俱○

章

○牛○

十二犒秦師

○陽○

處父釋左驂

○以○

以公命命孟明

○俱○

三十

楚子告怠矢

○宣○

葉公

○免○

胄

○哀○

何謂

○將○

將將

○將○

將將

○將○

將將

○將○

將將

是也

○謀○

與法

○待○

將而

○行○

不得

○其○

將辟

○之○

前

○艦○

中

○櫓○

後

○觸○

百丈

○修○

五兩

○縣○

萬斛

○之○

舟具

○而○

使童子

○操○

焉可

○必○

覆也

○魏○

子曰

○將○

將

○多○

術矣

○將○

以智

○以○

勇以

○能○

以功

○以○

功以

○功○

以功

○以○

以功

○以○

以功

○以○

以功

○以○

以功

○以○

以功

○以○

以功

○以○

以功

○以○

此段精理
詩書出
如觀
五花八門
令人心搖
自眩

習以名。以位。以齒。以世。以卜。以怒。卻穀說禮樂而敦。

詩書

信廿七

原軫尚德

信廿八

則非智勇也。孟明荀林父

見前

敗則非功能也。觀丁父彭仲爽俘則非名也。哀十七

樊須弱而爲右

哀十

則非齒也。苟偃將中軍趙武將

上軍

襄十

則非位也。冀缺之父有罪

信三十三年

則非世

也。公孫寧以舊志帥

哀十

則非卜也。孫叔敖之鄉

二樂武子之桑隧

成八

則非怒也。然而闕廉荀吳以智

見魏犢以勇

信廿八

趙盾以能

文六

季札

哀十年

帥師伯

游以齒。士句以習。俱襄寢尹工尹以功

哀十八

叔孫得

臣以一卜文十先且居信三狐射姑文公孫朝哀計以

世卻克成子胥四定以怒齊帥賤而苑羊牧之輕之昭

三褚師圃敗之九楚帥賤而公子光敗之昭十不以

名位也晉從政者新而楚易之成十不以習也秦不

用蹇叔而敗於殽信三楚不用申叔時而敗於鄢陵

成十不以齒也慶鄭吉不從而獲於韓昭十不以卜

也狼躡黜而死於彭衙文二不以勇也然而高固之棄

以勇成子玉之城濮以能信廿屈瑕之羅以巧桓十

趙穿之河曲以怒文十艾陵之國何法變昭十以世東郭書以

習

哀十

長狄僑如之鹹以齒

文十一侵魯時百餘歲

魏子曰夫

將者三軍之司命將不可不慎也是以子瑕卒而楚

師曆

昭廿三

向魋逃歸而鄭取宋師

哀十三

高克之河上

以嫌將者也

文二

文公憂得臣而楚殺之

僖廿八

是自棄

其將也宋取鄭師令曰有能者無死

哀九

叔向謂范宣

子曰子爲彼樂氏是亦子之勇也

襄廿一

是以析公雍

子苗責皇謀晉子靈謀吳伯州犁謀楚

俱見前

皆遺敵

以將者也豫弗許而行

隱元

鞏弗許而固請

隱四

慶父餘

丘莊仲遂邾

僖三十三

杞

僖廿七

皆

權

替於上

則兵專於

下

下矣。晉之命將也。必於蒐。與衆共之也。衆人予之。而
一人奪之。陽處父所以侵官。賈季所以作亂也。文新
軍無帥。難其人而攝於下軍。三襄十慎之至也。官寺不
可以與軍。故寺人貂漏師而齊亂。二信風沙衛以索馬
牛還師。而君子知靈公之爲靈也。二襄

兄善伯曰。兵謀三十二段。使事七百三十五
條。章法幻忽。反若尺寸。關鎖兵法二十二段。
直獵前篇。不別立格。別立格。便膽怯。便手筆
向低也。大家手筆。如平原大海。不設奇異。而

有至怪。出沒其間。非高手大膽不能。

弟和公曰。二篇與韓非內外儲同格。如此文定非如此格。不得也。然二儲之文。逐段爲格。故語峭意艱。複而不煩。此文合二篇總成局勢。各有生面。有識議有波瀾。洄洑映帶。故較之三儲爲尤難。

彭躬庵曰。關壯繆。岳武穆。皆好讀左傳。得此發揮。始知古人着落。然二公尚未淺人。於呂蒙。秦檜。大失事機。今早見此書。當別長一格。

無死法矣凡書不能令後世人覺索爲必不
可少文字其精神力量非關至極也